

M Chinese


Vol. VI.

66

v. 6

6

4



醫學正傳卷之六目錄

便濁遺精門五十六

論

治便濁丸藥方

半苓丸

燥濕痰白濁方

萆薢分清散

水陸二仙丹

祖傳經驗秘真丹

淋閉門五十七
附關格

論

參苓琥珀湯

老人氣虛淋閉方

通關丸即滋腎丸

腎疸湯

脉法

二陳加升提藥方

虛癆便濁方

妙香散

治濁固本丸

定志珍珠粉丸

已試醫驗一條

脉法

琥珀散

小便黃澁方

清肺飲子

小蓴湯

丹溪方法凡十九條

珍珠粉丸

張子元氣血兩虛

秘真丸

九龍丹

丹溪活套

丹溪方法凡九條

傷寒後脫陽方

下焦無血小便澁方

導氣除燥湯

八正散

牛膝膏

茯苓湯

倒換散

葵子散

濟生葵子散

琥珀散

鐵服丸

廣濟雞蘇飲子

又方治小便不通

集驗治小便淋瀝方

石葦散

祖傳經驗方

治小便溺血方

又治溺血方

治沙淋莖痛方

孕婦轉胞方

又治血淋方

附關格証

難經法語

附丹溪關格方法凡三條

祖傳經驗方

已試醫驗一條

秘結門五十八

論

脉法

丹溪方法凡二條

脾約丸

通幽湯

潤燥湯

潤腸丸

麻黃白朮湯

升陽瀉熱湯

活血潤燥丸

潤腸湯

潤體丸

備急大黃丸

枳殼丸

枳實導滯丸

已試醫驗二條

黃疸門 五十九

論

脉法

丹溪方法 五條

治黃疸方

又治氣實黃疸方

小温中丸

大温中丸

調胃承氣湯

治黃疸法語 凡四條

大黃柏梔芒硝湯

又治疸法語 凡四條

硝石礬石散

治酒疸方

茯苓湯

治穀疸方

胃苓湯

腎疸湯

茵陳五苓散

茵陳茯苓湯

梔子大黃湯

半温半熱湯

茵陳蒿湯

茵陳大黃湯

梔子柏皮湯

茯苓滲濕湯

小茵陳湯

茵陳四逆湯

葶藶苦參散

當歸白朮湯

抵當湯 見傷寒門

針砂丸

綠礬丸

棗礬丸

祖傳經驗褪金丸

已試醫驗 一條

瘡瘍門 六十

論

脉法

丹溪方法 二十二條

取剩骨法

升陽益胃散治背疽

當歸羌活湯治腦疽

檳榔散斂瘡口

千金托裏散治背疽

丹溪治背疽方

丹溪治附骨疽法

羌活防己湯治附骨疽

托裏黃芪湯

內托黃芪酒煎湯

黃連消毒飲治附骨疽

內托黃芪柴胡湯治附骨疽

丹溪治腎癰方法

內托羌活湯治腎癰

丹溪治內疽方法

丹溪治肺癰方法

又治肺癰方法

黃昏湯

治肺癰

葶藶大棗瀉肺湯

葦葉湯治肺癰

桔梗湯治肺癰

又治肺癰方

又治肺癰方法一條

吐膿血如肺癰方

祖傳經驗治肺癰方

丹溪治腸癰方法

千金論腸癰法語

要畧治腸癰方

腸癰灸法

薏苡附子敗醬散

大黃牡丹湯

已試醫驗一條

丹溪治乳梗方法

治乳癰方

又治乳癰方法

升麻托裏湯

程石香治妳岩法

十六味流氣飲

單煮青皮湯

橘葉散

丁香散治妳頭破裂

丹溪治囊癰方法

癰疽入囊方

野紫蘇治囊癰方

丹溪治便毒方法

又治便毒方

又便毒成膿方

石香程氏便毒方法

蘇方木散治便毒

玉燭散治便毒

牡蠣大黃湯治便毒

丹溪治癰癧方法三條

治血少馬刀瘡方

程石香論治癰方法

蟾酥膏治瘡

綠雲膏治瘡

金寶膏治瘡

龍珠膏治瘡

救苦化堅湯

柴胡連翹湯

消腫湯

柴胡通經湯

散腫潰堅湯

升陽調經湯

連翹散堅湯

龍泉散

三聖丸

立驗大聖散

玉屑妙靈散

六丁神散以上二十一
方俱治癰

濟生破結散治癰瘤癰

南星散治瘤

又治癰方法

龍珠膏見前條

流氣飲見前條

丹溪治癰氣方法

丹溪治結核方法

又治臂核方

耳後頂門有核方法

程石香論疔腫方法

返魂丹

拔疔法

奪命丹

雄黃丸

化毒丸

獨蟾丸

雄麝湯

二活散

取疔散

解毒丸

賀藍先生解毒丸

萬病解毒丸

千金漏蘆湯

取疔腫方

破毒散

灸疔腫法

祖傳經驗秘方

活魂丹 治惡瘡

治諸惡瘡方

又治諸惡瘡方

又治惡瘡方

天泡瘡方 凡二條

脚上沙瘡方

裏外膿瘡方 凡四條

桃花散 生肌長肉

火燒湯泡瘡方

又治火燒湯泡瘡方

下疳瘡方 凡三條

頭瘡方

金絲瘡方

手痂瘡方

沙瘡方

瘡痛不可忍方

疥瘡方

白癩風癬方

風癬疔瘡方

癬瘡方

身虛痒方

又通身虛痒方

秘傳一擦光方

又治疥瘡及癩頭方

五香連翹湯

內托復煎散

白芷升麻湯

托裏散

又托裏散

烏金散

黃芪六一湯

治一切瘡癰方

內托護心散

小五香湯

復元通氣散

金銀白芷散

正鐵蘊散

大鐵蘊散

三消散

雲母膏

太乙膏

神異膏

祖傳萬槌青雲膏

又經驗治癰腫方

稀簽散

又治諸般癰腫神効方

癰風門六十一

論

脉法

丹溪方法凡五條

換肌散

醉仙散

通天再造散

愈風丹

一家治癰疾方

又一家治癰疾法

又治手指攣曲法

加減通聖散

神仙紫花丸

治跌撲傷損方

治骨損方

元戎接骨丹

論損傷宜補氣血

治金瘡方

又治金瘡方

治損傷腹痛方

當歸導滯湯

雞鳴散

沒藥乳香散

杖丹膏藥方

河間沒藥散

破傷風門六十二

論

脉法

丹溪方法一條

羌活防風湯

白朮防風湯

小芎黃湯

大芎黃湯

發表雄黃散

大蜈蚣散

大羌活湯

防風湯 治破傷風

小蜈蚣散

左龍丸

小羌活湯

養血當歸地黃湯

雄黃散 發表藥

地榆防風散

白朮湯

江鯨丸

祖傳經驗秘方

已試醫驗 一條

附翻花瘡

醫學正傳卷之六

花溪恒德老人虞搏天民編集

便濁遺精

五十六

論

內經曰諸轉反戾水液渾濁皆屬於熱夫便濁之証因脾胃之濕熱下流滲入膀胱故使便溲或白或赤而渾濁不清也原病式曰如夏月天氣熱甚則水液渾濁林木流津是也血虛而熱甚者則為赤濁此心與小腸主病屬火故也氣虛而熱微者則為白濁肺與大腸主病屬金故也丹溪曰大率多是濕痰流注宜燥中宮之濕又曰治宜燥濕降火兼升舉之法此皆至要之語也外有遺精滑泄之候與濁相類不可一例而推夫遺精者多夢與鬼交而泄名曰夢遺或隨溲溺而出謂之精滑亦有思想無窮所願不遂而得之者治宜安心神以降火又有因好色太過房勞致虛而得之者治法宜滋水臟以復真陰是皆千古不易之定論也學者詳之

脉法

兩尺脉洪數必便濁失精

女人尺脉濇而弱者或洪數而促者皆為便濁白帶

心脉短小因心虛所致必遺精便濁

方法

丹溪方凡十九條

丹溪曰便濁屬濕熱有痰有虛赤屬血由小腸屬火故也

白濁氣由大腸屬金故也

大率皆是濕痰流注宜燥中宮之濕亦者乃是濕傷血

胃中濁氣下流滲入膀胱

肥白人多痰治宜燥濕降火兼升提之大法二陳湯加二朮升柴赤者加白芍藥煎服

一人便濁嘗有半年或時夢遺形瘦作心虛主治以珍珠粉丸和定志丸服效

方見恆

仲門

夢遺主熱精滑主濕熱則流通故也

內傷氣血虛不能固守當補以八物湯加減吞檮木根丸

大法用青黛海石黃柏

精滑用知母黃柏降火牡蠣蛤粉燥濕白濁同法治

一方用良薑三錢芍藥黃柏

炒焦

各二錢檮根白皮一兩五錢為末糊丸每服三十丸

思想而得病在心治當安心神以帶補一法用溫膽湯去竹茹加人參遠志蓮肉酸棗

仁茯神煎服

一方治便濁丸藥

樗白皮

黃柏炒

青黛

乾薑炒

滑石

蛤粉炒各等分

神麴糊為丸服之

戴氏曰黃柏治濕熱青黛解熱蛤粉鹹寒入腎滑石利竅炒乾薑味苦飲肺氣下降使陰血生且能監制

二陳湯治濁加升提之藥使大便潤而小便長

珍珠粉丸治精滑白濁等証

黃柏

真蛤粉各一斤

珍珠三兩一方無此味而有青黛

右為末水和丸如梧桐子大每服一百丸空心溫酒下或加樗根白皮滑石青黛等

藥

半苓丸治白濁

神麴

半夏燥濕

猪苓分水分

麴糊丸服

虛勞者用補陰藥胃弱者兼用人參及升麻柴胡升胃中之清氣

張子元氣血兩虛有痰便濁陰火痛風

人參一兩

白朮五錢

熟地黄

黃柏炒黑色各二兩

山藥

海石

瑣陽各五錢

乾薑五錢燒存性

南星一兩煨裂

龜板酥炙二兩

右為細末酒麪糊為丸如梧桐子大每服一百丸薑鹽湯下

燥濕痰治白濁方如肝脉弦者須以青黛瀉肝大概不可純用涼藥盧氏曰病因濕熱藥的矣然亦不可

專用寒涼藥故用炒柏之類又以乾薑之溫而佐之也

妙香散治心虛遺精白濁

麝香一錢另研

人參五分

木香二錢五分煨

茯苓

茯神

黃芪

遠志去心炒各一兩

桔梗

甘草各五錢

辰砂二錢另研

山藥二兩薑汁炙

右為細末每服二錢溫酒調服不拘時

秘真丸治思想無窮所願不遂意淫於外入房太甚宗筋弛縱發為筋痿及為白淫及白

物隨洩而下或夢與陰人通泄耳

白龍骨一兩另研

訶子皮五枚

縮砂仁五錢去殼

硃砂一兩另研以一分為衣

右為細末麩糊為丸如菜豆大每服一丸空心溫酒下冷水亦可不可多服太秘或用葱白茶湯下

草解分清飲治真元不足下焦虛寒小便白濁頻數無度漩面如油光彩不定凝脚澄下凝結如膏糊之狀

石菖蒲

烏藥

益智仁

川草解

白茯苓各一錢

甘草梢五分

右細切作一服水一盞半入鹽一錢煎至一盞空心服

治濁固本丸

蓮花鬚

黃連炒各二兩

白茯苓

砂仁

益智

半夏湯泡七次去皮臍

黃柏炒各一兩

甘草炙三兩

猪苓二兩五錢

為末蒸餅為丸空心溫酒下五十丸

九龍丹治精滑

枸杞子

金櫻子

山果子以名

蓮肉

佛座鬚蓮花心也

熟地黃

芡實

白茯苓

川歸 各等分

右為末酒麪糊為丸如梧桐子大每服五十丸或酒或鹽湯送下如精滑便濁者服二三日溺清如水飲食倍常行步輕健婦人厭產者二三服使住孕如仍欲產服通利之藥

水陸二仙丹治遺精白濁夢泄脫精等証

金櫻子一斗

芡實二斤

右以芡實去殼杵為細末取金櫻子黃熟者用籃盛於水中杵去刺又於石臼中杵碎去核淨再杵細絞取自然汁煎熬成飴糖和芡實末為丸如梧桐子大每服五七十丸空心薑鹽湯送下

定志珍珠粉丸治心虛夢泄

人參

白茯苓 各三兩

遠志去心

石菖蒲 各二兩

海蛤粉

黃柏 炒焦色 各三兩

樗根皮 二兩

青黛 二兩

右為細末麪糊為丸青黛為衣如梧桐子大每服五十丸空心薑鹽湯下

丹溪活套云赤白濁乃胃中痰積下流滲入膀胱宜用二陳湯加升麻柴胡防風之類以提之肥白人屬濕熱加蒼朮白朮炒黃柏黃荊子之類或有挾寒者本方加炒乾薑肉桂

甚者加附子 有心虛不能固守及平素虛寒之人本方加萆薢石菖蒲益智炒乾薑
牡蠣龍骨之類 氣虛者本方加黃芪白朮人參或加附子之類 赤者多有血虛瘦
弱之人得之宜四物湯加酒知母酒炒黃柏煎湯送下珍珠粉丸 赤白濁小腹疼痛
不可忍者宜作寒治東垣酒煮當歸丸最妙 方見婦人門

祖傳經驗秘真丹治好色腎虛遺精夢泄白淫白濁等証

免絲子 酒浸炒

韭子 炒

柏子仁 各一兩

龍骨 煨

牡蠣 煨醋淬

山茱萸 去核取肉

赤石脂 各五錢煨

補骨脂 一兩炒

遠志 去心

巴戟 去心

覆盆子

枸杞子

黃柏 鹽酒炒 黑色

山藥 各七錢五分

芡實 去殼

杜仲 鹽汁炒 各一兩

金櫻子 半青黃者去刺核 取肉焙乾二兩

乾薑 炒黑色 一兩

鹿角膠 一兩五錢 炒成珠

右為細末煉蜜為丸如梧桐子大每服一百丸空心薑鹽湯下

蓮塘朱顯三里病遺精潮熱不起牀三月矣予治脉之左右寸關皆浮虛無力兩尺洪
大而軟與補中益氣湯加熟地黃知母黃柏地骨皮煎吞下珍珠粉丸外做小筏籠一
箇以籠陰莖勿使搭肉服藥三十餘貼一月平安

淋閉門 五十七 附錄格

論

內經曰飲食入胃游溢精氣上輸於脾脾氣散精上歸於肺通調水道下輸膀胱夫膀胱者主足太陽寒水之化其體有下口而無上口者也長生在申是故西方肺金以為之母而資其化也肺金清肅則水道通調而滲營於下耳然肺金又藉脾土健旺以資化原而清氣得以上升而歸於肺以運行也故經又曰清陽出上竅濁陰出下竅故清陽不升則濁陰不降而成淋閉之患矣先哲以滴水之器譬之上竅閉則下竅不出此理甚明故東垣使父百會穴丹溪使吐以提其氣之橫格是皆開上竅之法也原其為病之由皆膏粱之味濕熱之物或燒酒炙肉之類鬱道成痰以致脾土受害乏力不能運化精微清濁相混故使肺金無助而水道不清漸成淋閉之候或謂用心太過房勞無節以致心腎不交水火無制清陽不升濁陰不降而成天地不交之否皆先哲之法言也古方有五淋之別氣砂血膏勞是也若夫氣淋為病小便澀滯常有餘瀝不盡砂淋為病陰莖中有砂石而痛溺不得卒出砂出痛止膏淋為病溺濁如膏勞淋為病過房勞即發痛引氣衝血淋為病遇熱則發甚則溺血候其鼻準色黃者知其為小便難也東垣分在氣在血而治之以渴與不渴而辨之耳如渴而小便不利者熱在上焦氣分肺金主之宜用淡滲之藥茯苓澤瀉琥珀燈心通草車前子瞿麥篇蓄之類以清肺金之氣濕其火以滋水之上源也不渴

而小便不利者熱在下焦血分腎與膀胱主之宜用氣味俱陰之藥知母黃柏之類滋腎丸是也除其熱泄其閉塞以滋膀胱腎水之下元也治淋之法無越於此學者不可不知

脉法

脉經曰少陰脉數婦人則陰中生瘡男子則為氣淋脉細而數脉盛大而實者生虛細而澁者死

方法

丹溪方法凡九條

丹溪曰淋雖有五皆屬於熱宜解熱利小便水山梔子之類不可發汗汗之必便血

老人氣虛淋閉參朮中帶木通梔子之屬

有腎虛極而淋者當補腎精而利小便不可獨用利水藥

有死血作淋者用牛膝膏

一云牛膝膏能損胃不食宜斟酌用之

一方治淋用益元散加梔子仁木通或用梔子一合炒為末白湯調下夏月以茵香煎

湯調益元散服效

痰熱隔滯中焦淋澁不通二陳湯煎大碗頓服探吐之以提其氣

淋澁有血因火燥下焦無血氣不得降而滲泄之令不行也宜補陰降火以四物湯加

知母黃柏或用四物湯煎下滋腎丸

陰莖痛乃厥陰氣滯兼熱用甘草梢益欲緩其氣耳

小便因熱鬱成淋不通用赤茯苓黃芩澤瀉車前子麥門冬肉桂滑石木通甘草梢氣虛者加黃芪木香淋痛加黃柏生地黃夏月煎調益元散

參苓琥珀湯治小便淋澀莖中痛相引脇下痛不可忍者

人參

茯苓 各五分

川棟子 去核

生甘草梢

玄胡索 各七分

琥珀

柴胡

川歸尾

澤瀉 各三分

右細切作一服水一盞半加燈心十數葉煎至一盞服

琥珀散治五種淋澀疼痛小便有膿血出証

琥珀

沒藥

海金砂

蒲黃 各一兩

右為細末每服三錢空心煎萱草湯調下

傷寒後脫陽小便不通用生薑自然汁調茴香末敷貼小腹上又服益智茴香丸調益

元散送下

老人氣虛而小便不通四物湯加黃芪人參吞滋腎丸下焦血氣乾者死

小便黃用黃柏如澁數加澤瀉若濕熱流注下焦而小便黃赤澁數用梔子澤瀉切當

濕多者宜用滑石利之

下焦無血小便澀數而黃者用四物湯加黃柏知母牛膝甘草梢

通關丸即滋腎丸治不渴而小便閉熱在下焦血分

黃柏酒洗焙乾 知母酒洗焙乾 肉桂五分

右為細末熟水丸如梧桐子大每服一百丸空心白湯下服後須頓兩足令藥易下行也如小便已利莖中如刀刺痛當有惡物下為驗

清肺飲子治渴而小便閉澀不利邪熱在上焦氣分

燈心一分 通草二分 澤瀉

琥珀各五分 篇蓄 木通各七分 瞿麥 車前子炒另研

茯苓去皮 猪苓去皮各一錢

右細切作一服水一盞半煎至一盞空心稍熱服

導氣除燥湯治小便閉塞不通乃血澀致氣不運而竅澀也

茯苓去皮 滑石各一錢 知母去毛酒浸炒 澤瀉各一錢

黃柏酒炒

右細切作一服水二盞煎至一盞空心稍熱服

腎疸湯治腎疸目黃甚至渾身黃小便赤

羌活

防風

藁本

獨活

柴胡各五分

升麻

一錢以上治目黃渾身黃

白茯苓二分

澤瀉三分

猪苓四分

白朮五分

蒼朮

一錢已上治小便赤澀

黃柏二分

人參三分

葛根五分

神麴

六分

甘草五分

右細切作一服水二盞煎至一盞食前稍熱服

小蓴湯治下焦熱結血淋

生地黃

小蓴根

通草

滑石

梔子仁

蒲黃炒

淡竹葉

當歸稍

生藕節

甘草稍各五分

右細切作一服水煎空心服

八正散治大小便俱閉

大黃

瞿麥

木通

滑石

萹蓄

車前子

梔子仁

甘草各等分

右細切每服五錢重入燈心七莖水煎服

牛膝膏用川牛膝一合細切以新汲水五大盞煎耗其四入麝香少許空心服或單以酒煮亦可

茯苓湯治胃疸陽明積熱食已輒飢面色黃瘦胸滿脇脹小便閉澀

赤茯苓

陳皮去白

澤瀉

桑白皮各三分

赤芍藥

白朮

人參

官桂各二分

石膏八分

病甚者加大黃朴硝各一錢

右細切作一服加生薑五片水一盞半煎至一盞溫服

倒換散治無問久新癰閉大小便不通小腹急痛肛門腫痛

大黃

小便不通減半

荆芥穗

大便不通減半各等分

右各別研為細末每服二錢溫水調下臨時加減服

葵子散治小便不通

黃蜀葵子

研細

赤茯苓各二錢

右作一服水一盞煎二三沸食前服

濟生葵子散治膀胱實熱小便不通方見疝氣門

琥珀散治五淋

滑石 二錢

木通

當歸

木香

蔚金

篇蓄 各一錢

琥珀 五分

右作一服為末用蘆葦葉同煎水一盞半煎數沸食前溫服

鐵服丸治大小便不通神效

大皂角 燒存性

右一味不拘多少細研煉蜜為丸如梧桐子大每服七十丸白湯下

廣濟雞蘇飲子治小便不通

雞蘇 二握

生地黃

通草 各四兩

滑石

杏仁 去皮尖

冬葵子 一兩

石葦 炙去毛

右七味細切以水六升煎至二升半去粗分三服空心進一服如人行四五里又進

一服必通

又方治小便不通

冬葵子

滑石 各三兩

通草

赤茯苓 各一兩

茅根 二兩

芒硝 五錢

右細切以水六升煎取二升去粗納芒硝分作三服連進即通

集驗方治小便淋瀝不通

滑石半斤

石葦三兩

通草四兩

榆莢

冬葵子各一斤一方加黃芩三兩

右細切以水一斗煎取三升分作三服頓飲

石葦散治小便不利莖中作痛

石葦去毛

瞿麥一兩

滑石五兩

車前子三兩

冬葵子二兩

右為細末每服方寸匕日三服

祖傳經驗秘方治小便淋閉莖中作痛神效

石葦去毛

滑石

瞿麥

篇蓄

冬葵子

木通

王不留行

地膚草各等分

右為細末每服三錢白湯調下

又經驗治小便溺血立效

金匱草一名蔓升草

車前草俗云蝦蟆衣

右二物各等分杵自然汁每服半茶盞空腹服

又方治前証用壯年無病人頭髮不拘多少燒灰存性以側柏葉搗汁入糯米糊為丸如梧桐子大每服一百丸白湯下或四物湯下尤妙

又方治沙淋乃莖中有砂作痛

石首魚腦骨

五對火煨出火毒即白煮腦中骨也

滑石 五錢

右共研為細末分作二服煎水通湯調下未愈再服數劑必待砂出盡乃安

又方治孕婦轉胎小便不通及男子小便不通皆效

冬葵子 五錢

山梔子

五錢炒研

木通 三錢

滑石 五錢研

右作一服水一盞半煎八分溫服外以冬葵子滑石梔子為末田螺肉搗膏或生葱汁調膏貼臍中立通

又方治血淋

側柏葉

藕節

車前草 各等分

右三味同搗取真汁調益元散神效

附關格証

難經曰關則不得小便格則吐逆 脉兩寸俱盛曰關格其証嘔逆而小便不通者是也

按素問謂人迎大四倍於氣口名曰格氣口大四倍於人迎名曰關乃二証也蓋有格而不關者亦有關而不格者又或有人迎氣口俱盛而吐逆不便者故丹溪總而言之曰關格者是也

丹溪曰寒在上而熱在下故多死法當吐以提其氣之橫格不必在出痰也用二陳湯探而吐之吐中便有降

有氣虛不運者補氣藥中升降用補中益氣湯加檳榔使清氣升而濁氣降也

治關格証吐逆而小便不利急宜先灸氣海天樞等穴各三七壯其吐必止然後以益元散等藥以利小便

祖傳經驗秘方治關格吐逆小便不通用藿香平胃散合五苓散加薑棗煎服立效

予長兄脩德翁年七十秋間患小便不通三十餘日百方不效後得一方取地膚草搗自然汁服之遂通雖至微之物而有回生起死之功故錄於此以為濟利之一助云

地膚草是也

秘結五十八

論

內經曰北方黑色入通於腎開竅於二陰藏精於腎夫腎主五液故腎實則津液足而大

便滋潤腎虛則津液竭而大便結燥原其所由皆房勞過度飲食失節或恣飲酒漿過食辛熱飲食之火起於脾胃淫慾之火起於命門以致火盛水虧津液不生故傳道失常漸成結燥之証是故有風燥有熱燥有陽結有陰結有氣滯結又有年高血少津液枯涸或因有所脫血津液暴竭種種不同固難一例而推焉經云腎惡燥急食辛以潤之以苦泄之陽結者散之陰結者溫之大法治燥者潤之以大黃當歸桃仁麻子仁郁李仁之類風燥者加以防風羌活秦艽皂莢之類為丸以煉蜜取其潤燥以助傳道之勢故結散而疎通矣仍多服補血生津之劑助其真陰固其根本庶無再結之患切弗以巴豆牽牛等峻劑攻下雖暫得通快必致再結愈甚反釀成病根膠固卒難調治或有血虛脉大如葱管發熱而大便結燥者慎不可發汗汗之則重亡津液閉結而死此醫殺之耳活人書有脾約証謂胃強脾弱約束津液不得四布但輸膀胱故小便數而大便難制脾約丸以下脾之結燥使腸潤結化津流入胃而愈丹溪曰然既曰脾約必陰血枯槁內火燔灼熱傷元氣故肺受火邪而津竭必竊母氣以自救夫金耗則土受木傷脾失轉輸肺失傳化宜其大便閉而難小便數而無藏蓄也理宜滋養陰血使陽火不熾金行清化脾土健旺津液入胃大小腸潤而通矣今以此丸用之於熱甚而氣實與西北人稟賦壯實者無有不安若用之於東南方人與熱雖盛而氣血不實者雖得暫通將見脾愈弱而腸愈燥矣須知在

西北以開結為主在東南以潤燥為要學者其可不知此乎

脉法

脉多沉伏而結 陽結脉沉實而數 陰結脉伏而遲或結老人虛人便結脉雀啄者

不治

方法

升溪方法
凡二條

丹溪曰有虛有風有濕有火有津液不足者有寒者有氣結者切不可例用芒硝大黃及

巴豆牽牛等利藥

久病腹中有實熱大便不通宜用潤腸丸微利之不宜用峻利之劑

脾約丸

麻仁

一兩半用生絹袋盛百沸湯連袋浸泡湯冷出之垂井中與水面差一指許不著水次日曬乾磨之粒粒皆完

枳實

麩炒黃色

厚朴

薑製炒

芍藥

各三兩

大黃

四兩酒蒸

杏仁

去皮尖炒另研一兩二錢

右為末煉蜜為丸如梧桐子大每服三十九溫水下

通幽湯治大便難幽門不通上衝吸門不開噎塞不便燥閉氣不得下治在幽門以辛潤之

炙甘草

紅花各一分

生地黃

熟地黃各五分

升麻

桃仁泥

當歸身

各一錢

右細切作一服水一盞半煎至一盞去粗調檳榔細末五分食前稍熱服

潤燥湯

升麻二分

生地黄二分

熟地黄

當歸梢

大黃酒濕煨

生甘草

桃仁泥

麻仁各一錢

紅花五分

右除桃仁麻仁另研細外餘細切作一服水一盞半入桃仁麻仁煎至一盞去粗空

心稍熱服

潤腸丸治脾胃中伏火大便閉澀或乾燥閉塞不通全不思食及風結血閉皆能治之

桃仁湯泡去

麻仁去殼各

當歸梢

大黃酒濕煨

羌活各五錢

右除桃仁麻仁另研如泥外其餘杵為極細末煉蜜為丸如梧桐子大每服三五十

丸空心白湯下如風濕而大便不行加煨皂角仁大黃秦艽以利之如脉澀覺

身有氣澀而大便結者加郁李仁大黃以除氣澀燥

麻黃白朮湯治大便不通五日一次小便黃赤渾身腫面上及腹尤甚其色黃麻木身重如山沉困無力四肢痿軟不能舉動喘促不安

青皮 去穰

酒黃連 各二分

黃芪

人參

桂枝

白朮

厚朴 薑製

柴胡

蒼朮

猪苓 各四分

酒黃柏

陳皮 去白

甘草

半炙
半生

升麻 各三分

吳茱萸 去核

白茯苓

澤瀉 各五分

白豆蔻

炒神曲 各六分

麻黃 一錢不
去節

杏仁 四箇

右細切分作二服每服水二盞先煎麻黃令沸掠去沫入諸藥同煎至一盞去粗稍

熱服

升陽瀉熱湯治腸噎不通逆氣裏急大便不行

青皮

槐子 各二分

生地黄

熟地黄

黃柏 各三分

當歸身

甘草梢 各四分

蒼朮 五分

升麻 七分

黃芪 一錢

桃仁 十箇去皮
尖另研

右細切作一服入桃仁泥水二盞煎至一盞食前熱服

活血潤燥丸治大便秘血秘常常燥結

當歸梢 五錢

防風 三錢

大黃 酒煨

羌活 各一兩

皂角仁

燒存性一兩五錢

桃仁

二兩去皮另研

麻仁

二兩半去殼另研

右除桃仁麻仁另研外共為細末煉蜜為丸如梧桐子大每服五十丸白湯下三兩服後須以麻子仁煮粥每日早晚食之大便雖日久再不結燥也此丸藥以磁礮盛之紙包封毋令見風

潤腸湯治大便結燥不通

生地黄

生甘草各三分

大黃煨

熟地黄

當歸梢各五分

升麻

桃仁

麻子仁各一錢

紅花三分

右細切作一服水二盞煎至一盞去粗空心服

潤體丸能潤血燥治大便不通

麻仁

當歸梢

生地黄

桃仁

枳殼各等分

右為細末煉蜜為丸服

備急大黃丸治胃中停滯寒涼之物大便不通腹痛方見內傷門

河間枳殼丸治三焦約大小便不通穀氣不得下行

枳殼 二兩

陳皮 一兩

檳榔 五錢

水香 二錢五分

黑丑

四兩一半生用一半炒熟
杵頭末一兩半餘不用

右為細末煉蜜為丸如梧桐子大每服五十丸薑湯下

枳實導滯丸治傷熱物大便秘不行氣滯胸腹作痛

方見內傷門

本邑趙德秀才之母年五十餘身材瘦小得大便秘急不通飲食少進小腹作痛召予診治六脉皆沉伏而結澀予作血虛治用四物湯加桃仁麻仁煨大黃等藥數服不通反加滿悶與東垣枳實導滯丸及備急大黃丸等藥下咽片時即吐出蓋胃氣虛而不能久留性速之藥耳遂以備急大黃丸外以黃蠟包之又以細針穿一竅令服三丸蓋以蠟墮者制其不犯胃氣故得出幽門達大小腸取效也明日下午燥屎一升許繼以四物湯加減作湯使吞潤腸丸如此調理月餘得大便秘如常飲食進而平安

予族姪百一通判之子因出痘大便閉結不通覓醫云便實為佳兆自病至痘瘡愈後不入廁者凡二十五日肛門連大腸不勝其痛呌號聲達四鄰外醫及予三三人議藥調治用皂角末及蜜煎導法服以大小承氣湯及枳實導滯丸備急丸皆不效計無所出予曰此痘瘡餘毒鬱熱結滯於大小腸之間而然以香油一大盞令飲自朝至暮亦不效予畫一計令侍婢口含香油以小竹筒一箇套入肛門以油吹入肛內過半時許病

者自云其油入腸內如蚯蚓漸漸上行再過片時許下黑糞一二升止因睡而安

黃疸 五十九

論

內經曰中央黃色入通於脾又曰諸濕腫滿皆屬脾土夫黃疸為病肌肉必虛腫而色黃蓋濕熱鬱積於脾胃之中久而不散故其土色形於面與肌膚也蓋脾主肌肉肺主皮毛母能令子虛母病子亦病矣是故有諸中者必形諸外耳其証有五曰黃汗曰黃疸曰酒疸曰穀疸曰女勞疸雖有五者之分終無寒熱之異丹溪曰不必分五種同是濕熱如蠶麴相似正經所謂知其要者一言而終是也外有傷寒熱病陽明內實當下而不得下當汗而不得汗當分利而不得分利故使濕熱怫鬱內甚皆能令人發黃病也先哲制茵陳五苓散茵陳湯茯苓滲濕湯之類無不應手獲效故曰治濕不利小便非其治也又曰濕在上宜發汗濕在下宜利小便或二法並用使上下分消其濕則病無有不安者也學者詳之

脉法

脉經曰凡黃候寸口脉近掌無脉口鼻黑色並不可治

脉沉渴欲飲水小便不利者必發黃也

酒疸者或無熱靖言了了腹滿欲吐鼻燥其脉浮者先吐之沉弦者先下之

酒疸下之久久為黑疸目青面黑心頭如噉蒜韭之狀大便正黑皮膚四肢不仁其脉

浮弱顏黑微黃故知難治

穀疸寸口脉微而弱微則惡寒弱則發熱當發不發骨節疼痛當煩不煩而黃汗出跣

陽脉緩而遲胃氣反強飽則煩滿滿則發熱客熱消穀食已則饑穀強肌瘦名曰穀

疸

陽明病脉遲者食難用飽飽則發寒熱頭眩者必小便難此欲作穀疸雖下之腹滿如

故

趺陽脉緊而數數則為熱熱則消穀緊則為寒食則滿也

尺脉浮為傷腎跌陽脉緊為傷脾風寒相搏食已則眩穀氣不消胃中苦濁濁氣下流

小便不通陰被其寒熱流膀胱身體盡黃名曰穀疸

方法丹美方法
凡五條

丹溪曰不必分五同是濕熱如蠶麤相似輕者小溫中丸重者大溫中丸熱多加黃連濕

多者茵陳五苓散加食積藥

戴氏曰食積者量其虛實下之其餘但利小便小便清利則黃自退或曰
黃疸宜用倒倉法又曰黃疸倦急脾胃不和食少胃苓湯小便赤加滑石

一方治黃疸

黃芩

黃連

梔子

茵陳

猪苓

澤瀉

蒼朮

青皮

草龍胆各五分

穀疸加三稜莪朮縮砂陳皮神麴

右細切作一服水煎服之

又方治氣實傷濕渾身發黃宜吐法

撫芎

梔子

桔梗各二錢

右細切作一服加薑煎入韭汁服探吐之

小溫中丸治黃疸與食積又可制肝燥脾虛者須以白朮作湯使下

針砂十兩通紅另研

苦參夏加冬減

山查各二兩

吳茱萸一兩冬減

蒼朮半斤

白朮五兩

川芎夏減

神麴各半斤

香附米一斤童便浸一宿

右為細末醋糊為丸如梧桐子大每服七八十丸食前鹽湯下 一方無白朮山查

苦參吳茱萸有梔子

大溫中丸

針砂

十兩如前製

陳皮

蒼朮

青皮

厚朴

薑汁製

三稜

醋煮一時

莪朮

同上製

黃連

苦參

白朮

各五兩

生甘草

二兩

香附

一斤重便浸一宿

右為細末醋糊為丸

一方無黃連苦參白朮一方又無甘草名溫中丸

調胃承氣湯方見傷寒門

王叔和曰腹滿舌痿煩燥不得睡屬黃家又曰病黃疸發熱煩喘胸滿口燥者以發病時火劫其汁兩熱相搏然黃家所得從濕故一身盡發熱而黃如肚熱者熱在裏也當下之安用調胃承氣湯

又曰黃疸之病當以十八日為期治之十日以上為差又劇者為難治 又曰病疸而渴者其病難治疸而不渴者其病易治發於陰部其人必嘔發於陽部其人振寒而發熱也師曰諸黃家病但宜利小便假令脉浮當以汗解之宜桂枝加芪湯又名黃芪建中湯方見傷寒門

又曰男子黃小便利自當與小建中湯 又曰黃疸腹滿小便不利而赤自汗出此為表和裏實當下之用大黃黃栢梔子芒硝湯

大黃黃柏梔子芒硝湯

黃柏

芒硝

大黃 各四錢

梔子 三枚

右細切作一服水一盞半煎至一盞溫服

又曰黃疸病小便色不變欲自利腹滿而喘不可除熱熱除必噦噦者宜服小半夏湯

方見傷寒門

又曰夫病酒發黃疸必小便不利其候心中熱足下熱是其証也又心中懊憹而熱不能食時欲吐名曰酒疸又曰酒疸心中熱欲嘔者吐之即愈又曰酒疸黃色心中實熱而煩

又曰額上黑微汗出手足心熱薄暮則發膀胱急小便自利名曰女勞疸腹如水狀不治又曰黃家日晡所當發熱而反惡寒此為女勞得之膀胱急小腹滿一身盡黃額上黑足下熱因作黑疸其腹脹如水狀大便必黑時澹此女勞之病非水也腹滿者難治硝石礬石散主之

硝石礬石散

右以二石各等分燒燬為末每服二錢以大麥粥湯和服日三服取汗愈若小腸滿急小便不利用滑石石膏各二錢入粳米一撮同煎服之

治酒疸用小柴胡湯加茵陳豆豉大黃黃連葛根煎服效

茯苓湯治胃疸消穀善饑面色痿黃心中煩熱胸脇脹滿小便赤澀方見淋秘門

一方治穀疸以柴胡穀芽枳實厚朴梔子大黃等分水煎服效

胃苓湯治脾胃不和黃腫如小便赤澀加滑石五苓散合平胃散是也

腎疸湯治腎疸目黃或渾身黃小便赤澀

升麻

羌活

防風

藁本

獨活

柴胡各五分

蒼朮一錢

猪苓四分

葛根五分

澤瀉三分

黃芩二分

甘草三分

神麴炒三分

黃柏二分

白朮五分

人參三分

右細切作一服水一盞半煎至一盞去粗溫服

茵陳五苓散治傷寒或伏暑發黃小便不利煩渴等証 本方倍加茵陳入薑棗煎服之

茵陳茯苓湯治發黃脉沉細數四肢冷小便澀煩燥而渴

茯苓

桂枝

猪苓各一錢

滑石一錢五分

茵陳二錢

右細切作一服水一盞半煎至一盞服如脉未出加當歸一錢五分

梔子大黃湯治酒疸心中懊懣或熱而痛

梔子 十四枚

大黃 一兩

枳實 五枚

豉 一升

右作一服用水五升煎至二升分三服

半溫半熱湯治酒疸身黃無熱靖言了了腹滿欲嘔心煩足熱或有癥瘕心中懊懣其脉沉弦緊細

半夏

茯苓

白朮 各七分

前胡

枳殼 麸炒黃色

甘草炙

大戟 各五分

黃芩

茵陳

當歸 各三分

右細切作一服入生薑三片水二盞煎至一盞溫服

茵陳蒿湯治身熱鼻乾汗出陽氣上奔小便赤澀不利濕熱發黃

茵陳蒿 一兩

大梔子 三枚

大黃 三錢五分

右細切作一服水三盞煎至一盞溫服

茵陳大黃湯治傷寒大熱發黃面目俱黃小便赤澀

茵陳蒿

梔子

柴胡

黃芩

黃芩

升麻

大黃 各七分

草龍膽 三分半

右細切作一服水一盞半煎至一盞溫服

梔子柏皮湯治身熱不去大便利而煩熱身黃

梔子

黃柏

黃連

各三錢五分

右細切作一服水一盞半煎至一盞溫服

茯苓瀲瀲湯治黃疸寒熱嘔吐而渴欲飲冷水身目俱黃小便不利不思飲食方見濕証門

小茵陳湯治發黃脉沉細而遲遍身冷

附子

一枚作八片炮

甘草

炙一兩

茵陳

二兩

右細切作三服每服用水二盞煎至一盞溫服

茵陳四逆湯治發黃脉沉細而遲肢體逆冷腰以上自汗

甘草

炙一兩

乾薑

炮一兩五錢

附子

一枚作八片炮

茵陳

二兩

右細切分作四服水煎服

葶藶苦參散治濕熱內甚小便赤澀大便時秘飲食少進諸藥不效因為久黃

苦參

黃連

葶藶

黃柏

大黃

各一兩

葶藶子

二兩

右為細末每服一錢七清米飲調下以吐利為度隨時看虛實消息加減

當歸白木湯治酒疸發黃心下有痞癰堅滿身體沉重妨害飲食小便赤黃此因內虛飲
食生冷脾胃痰結所致

白木

茯苓 各一錢

當歸

黃芩

茵陳

各三分

前胡

枳實

甘草 炙

杏仁

各六分

半夏 八分 洗透

右細切作一服加薑三片水一盞半煎至一盞溫服

抵當湯治傷寒熱鬱瘀血內結身黃脉沉細狂言譫語小便自利大便黑 方見傷寒門
針砂丸治穀疸酒疸濕熱發黃等証

針砂

半斤 醋炒紅

蒼朮

四兩 米泔浸

香附

四兩 童便浸

神麴

炒微黃

茵陳

薑汁炒

麥蘖

二兩 炒各

芍藥

當歸

酒洗去頭

生地黃

川芎

青皮

去穰炒各二兩五錢

陳皮

去白

我朮

醋煮

三稜

醋煮各二兩

梔子

去殼炒

薑黃

升麻

乾漆

各五錢 炒烟盡

右為細末醋糊為丸如梧桐子大每服六七十丸薑湯送下

綠礬丸治黃腫病最捷

五倍子

半斤 炒黑

綠礬

四兩 薑汁炒白

針砂

四兩 醋炒紅色

神麴

半斤 炒微黃色

右為細末生薑汁煮紅棗肉為丸如梧桐子大每服六七十丸溫酒下不能飲酒米湯亦可終身忌食蕎麥麴犯之再發難治

棗礬丸治食勞身目俱黃者

綠礬

半斤 火般通紅

右研細紅棗肉為丸如梧桐子大每服五十丸或酒或薑湯下

祖傳經驗褪金丸治黃腫絕妙

蒼朮

米泔浸

白朮

各二兩 五錢

甘草

炙五錢

厚朴

薑汁拌炒一兩

陳皮

去白一兩 五錢

針砂

醋炒紅色

香附

薑便浸各六兩

神麴

炒黃色

麥蘖

麴炒微黃各一兩半

有塊加三稜

醋煮

義木

醋煮各一兩半

右為細末麴糊為丸服忌魚腥濕麴生冷水果等物

一男子年三十餘得穀疸症求予治以胃苓湯去桂加茵陳數十貼黃退自以為安不服藥十數日後至晚目盲不見物予曰此名雀目蓋濕痰盛而肝火有餘也用獾豬肝煮熟和夜明砂作丸服之目遂明如故來謝予曰未也不早服制肝補脾消痰之劑必成盛脹伊不信半月後腹漸脹痞滿復來治予仍以胃苓湯倍二朮加木通麥門冬煎湯

下褪金丸一月平安

瘡瘍 六十

論

內經曰諸痛痒瘡瘍皆屬心火又曰膏粱之變足生大丁榮氣不從逆於肉理乃生癰腫
東垣謂榮氣即胃氣也蓋胃氣調和則榮衛之氣皆順流而無逆於肉理耳若夫飲食失
節肥甘過傷以致濕熱蘊積于腸胃之間燒燂肺腑煎熬真陰此經之所謂陰之五宮傷
在五口味傷發熱久而增氣故濕熱之氣聚於下焦陰火熾盛蓄於八脉八脉沸騰逆於
經隨氣凝血滯故其滋養精微之氣不能如常榮於肉理是以結聚而成癰腫矣經曰熱
勝則肉腐是也法當視其所發之地各從其經而處治焉夫發於身之表者其名一十有
七曰腦發督脉足太陽經曰背發中膂督脉餘皆足太陽經曰鬢發手足少陽經曰眉發手足少陽經曰頤發手足陽明經
經曰顙領發手足陽明經曰髭發手足陽明經曰腋發手足太陽經曰穿襠發督衛任三脉曰腿發表足三陽經曰肝
癰足厥陰經曰喉癰任脉陽明經曰臍癰任脉陽明經曰乳癰內陽明經外少陽經曰腎癰足太陽經曰驢馬癰足厥陰經
癰足陽明經曰囊癰足厥陰經發於腔子之內者其名有四曰內疽曰肺癰手太陽經曰腸癰手太陽經曰胃脘
癰足陽明經夫十二經有氣血多少之不同癰疽淺深之有異是故為治之法或疎散或消毒
或針烙或內托或外消或瀉利或補益是故腫瘍為實宜瀉利潰瘍為虛宜補益浮露而

淺者為癰宜外消藏伏而深者為疽宜內托此千古不易之定議也雖然其証有善而易治者為順惡而難消者為逆其為眼白睛黑目緊小者一逆也不能飲食納藥而嘔食不知味二逆也傷痛渴甚三逆也膊項轉動不便四肢沉重四逆也聲嘶色脫唇口青黑面目四肢浮腫五逆也煩燥時欬腹痛甚泄利無度小便如淋六逆也膿血大洩焮腫尤甚膿水臭敗莫近七逆也喘促氣短恍惚嗜卧八逆也未潰先黑陷面青唇黑便汚九逆也又如噫氣痞塞喘咳身冷自汗目瞪耳聾恍惚驚悸語言錯亂皆是惡証若夫動息自寧飲食知味一順也便利調勻二順也神彩精明語聲清朗三順也膿潰腫消色鮮不臭四順也體氣和平五順也凡五順見三則吉九逆見六則危矣先哲垂訓班班可攷學者其可不詳察乎

脉法

脉經曰脉數身無熱內有癰也一云腹無積聚身無熱脉數此為腸中有膿意以附子敗醬湯主之

諸浮數脉應當發熱而反洒淅惡寒若有痛處當發癰膿脉微而遲反發熱弱而數反振寒當發癰腫

脉浮而數身體無熱形嘿嘿胸中微燥不知痛之所在此人當發癰腫

脉滑而數數則為熱滑則為實滑則主榮數則主衛榮衛相逢則結為癰熱之所過則為膿也

羽林婦病醫者脉之知婦人腸中有膿為下之即愈蓋寸口脉滑而數滑則為實數則為熱滑則為榮數則為衛衛數下降榮滑上升榮衛相干血為濁敗小腹痞堅小便或澀或時汗出或復惡寒膿為已成設脉遲緊聚為瘀血下之即愈

腸癰之為病其身體中錯腹皮急按之軟如腫狀

夫腸癰者小腹腫按之則痛小便數如淋時時發熱自汗出復惡寒其脉遲緊者膿未成可下之當有血脉洪數者膿已成不可下也大黃牡丹湯主之

方法

丹溪方法凡二十二條

丹溪曰癰疽因陰陽相滯而生蓋氣陽也血陰也血行脉內氣行脉外相並周流寒與濕搏之則凝泣而行遲為不及熱與火搏之則沸騰而行速為太過氣得邪而鬱津液稠粘為痰為飲積久滲入脉中血為之濁此陰滯於陽也血得邪而鬱隧道阻隔或溢或結積久滲出脉外氣為之亂此陽滯於陰也百病皆由於此又不止於癰疽而已癰疽因積毒在臟腑當先助胃壯氣使根本堅固而以行經活血藥為佐參以經絡時令使毒氣外發施治之早可以內消此內托之意也

或問內托之法予曰河間治腫斂于外根盤不深形証在表其脉多浮病在皮肉非氣盛則必侵于內急須內托宜復煎散除濕散鬱使胃氣和平如或未已再煎半料飲之如大便閉及煩熱少服黃連湯如微利及煩熱已退却與復煎散如此使榮衛俱行邪氣不能內傷也

外科精要謂排膿內補十宣散治未成者速散已成者速潰誠哉是言也若用之於小瘡癰與冬月亦可轉重就輕移深居淺若潰瘍與夏月用之其桂朴之溫散佐以防風白芷吾恐雖有參芪難為倚仗比見世人用此不分輕重時令經絡前後正若盲人騎瞎馬半夜臨深池危哉

諸經惟少陽厥陰二經生癰疽宜預防之以其多氣少血也血少而肌肉難長瘡久未合必成死証苟不知此遽用驅逐利藥以伐其陰分之血禍不旋踵

腫瘍內外皆壅宜以托裏表散為主如欲用大黃者宜戒猛浪之非潰瘍內外皆虛宜以補接為主如欲用香散者宜戒虛虛之失

外科精要一書惟務紀錄舊方應酬輕小証候耳

癰疽始發即以艾多灸之可使輕淺騎竹馬灸法最妙蓋艾火暢達拔引鬱毒此從治之意惟頭為諸陽所聚艾炷宜小而少若身上必痛灸至不痛不痛灸至痛亦有因

灸而死者蓋虛甚孤陰將絕其脉必浮數而大且不鼓精神必短而昏無以抵當
火氣宜其危也 按河間灸刺法曰凡瘡瘍須分經絡部分血氣多少輸穴遠近從
背出者當從太陽經五穴選用至陰通谷束骨崑崙委中是也從髀出者當從少陽
經五穴選用竅陰夾髀臨泣陽輔陽陵泉是也從臑出者當從陽明經五穴選用厲
兌內庭陷谷衝陽解谿是也從臑出者則以絕骨一穴治之

各穴點法俱見銅人針灸經疏不再具

蟬針之法可施於輕小証候吮出惡血若積毒在臟腑者徒竭其血於外無益也

外施貼藥亦發表之意精要謂貼冷藥有神效夫氣得熱則散得冷則斂何謂神效經

曰發表不遠熱是也

貼冷藥惟輕小瘡毒可也

外科用針烙得膿後服神仙追毒丸此藥能下積取毒無取膿之功若血氣壯實則膿
自出當以和氣活血藥佐參芪補劑服之

腫瘍用手按之熱則有膿不熱則無膿

膿出而反痛者此為虛也宜補之亦有穢氣所觸而作痛者宜和解之風冷所逼者宜
溫養之

疽發深不痛者胃氣大虛必死肉多而不知痛也

腫瘍時嘔者當作毒氣上攻治之潰後當作陰虛補之若年老潰後發嘔不食又宜參

氏白木膏峻補隨証加佐使藥河間謂瘡瘍嘔者濕氣侵于胃也宜倍白木

癰疽發渴乃血氣兩虛用參芪以補氣當歸地黃以養血或忍冬九黃芪六一湯皆效
加味十全大補湯治癰疽潰後補氣血進飲食實為切要凡膿血出多陰陽兩虛此藥
有迴生起死之功但不分經絡不載時令醫者觸類而長之可也或見腫平痛寬遂
以為安慢不知省無補接調養之功愈後虛証復見因而轉為他病而危劇者多矣
蒲公英化熱毒消惡腫散結核有奇功田間路側皆有之三四月開黃花似菊花味甘
衍義補遺云四時常花花罷飛絮節葉間折之有白汁出者是能解毒散滯氣可
入陽明太陰二經同忍冬藤煎以少酒佐而服之搗爛盒之亦妙

白蠟屬金稟收斂堅凝之氣外科之要藥也生肌止血定痛接骨續筋補虛常與合歡
皮同入長肉膏藥用之有神効但未試其可服否若合歡皮常服之驗矣
草麻子性善收能追膿取毒亦要藥也

癰疽已破未破用皂角刺能鑽引至痛處

取刺骨法

取久疽久痔漏中朽骨

俗名刺骨

用烏骨雞胛骨以信硃實之鹽泥固濟火煨通紅地上出
火毒用骨研細飯丸如粟米大以皮紙撚送入竅内外以拔毒膏藥封之其骨自出

惡瘡發背腦疽等証方法

升陽益胃散治一切惡瘡發背腦疽等証

羌活

一錢五分

獨活

五分

防風

五分

藁本

一錢五分

知母

一錢

生地黃

一錢

黃芩

三錢

黃連

五分

黃柏

五分

當歸

三錢

防風梢

五分

連翹

二錢

人參

五分

黃芪

一錢五分

生甘草

一錢

陳皮

五分

當歸梢

五分

蘇木

五分

炙甘草

一錢五分

酒防己

五分

澤瀉

七分

桔梗

一錢

右細切分作二服每服用水二大盞浸半日煎至一盞滴酒數十點去粗臨卧溫服忌飲水再作膿効遲初患二三日者服之立消作膿者立潰隨病上下食前後服一人患腦疽第八日腫硬如拳即日晚服此藥一劑次日便平復腫勢消更不疼痛又服半劑七日全愈如常明之言凡瘡皆陰中之陽陽中之陰二証而已我治此瘡陽藥七分陰藥三分名曰升陽益胃散勝十宣也老人宜之亦名復煎散或加乳香沒藥各一錢尤妙

當歸羌活湯治腦疽証

黃芩 酒炒

黃連 酒炒 各二錢

黃柏 酒炒 一錢

澤瀉 五分

連翹 一錢

當歸身 二錢

防風 一錢

羌活 各一錢

甘草 炙一錢

山梔子 一錢

獨活 七分

藁本 七分

右細切作一服水三盞先浸一時許入酒一匙煎至八分去粗食後稍熱服日進二服三日盡六服俱將藥清汁調下後項檳榔散

檳榔散大飲瘡口

檳榔

木香 各三錢

右為細末用前湯調下或飲瘡口用之決無疼痛以蠟油調塗瘡口生肌飲肉甚速別無惡肉瘡口易合平復膏梁熱瘡所宜用也貧人寒地及寒濕外來之寒瘡禁不可多用

背疽方法

千金托裏散治背疽併諸惡瘡如三日以裏未針灸及利大便者則可消矣

羌活 一錢五分

防風 酒洗 五分

防風梢 五分

藁本 一錢五分

當歸身 三錢

當歸梢 五分

連翹 三錢

黃芩 酒洗 三錢

黃芪 一錢五分

人參 一錢五分

炙甘草 一錢五分

生甘草 五分

陳皮 五分

蘇木

五味子

酒黃柏

酒防己 各五分

桔梗

梔子

生地黄 酒洗各

酒大黃 三錢

酒黃連 一錢

木猪苓 一錢五分

麥門冬 二錢

右細切分作二服每服用水三大盞浸半日煎至一盞稍熱服後一服如前併粗再煎服忌冷水此方如覺病即便忙服無不効者若瘡勢已發三四日或成膿則不消也崔經歷二次發背疽皆得此方而愈

丹溪治背疽方用大黃防風羌活甘草節生地黃當歸身貝母白芷赤芍藥皂角刺黃芩作大劑煎服氣虛加人參黃芪瘡潰後亦宜加之

附骨疽方法

丹溪曰附骨疽者皆因久得厚味及勞役與酒後涉水得此陽滯於陰之証也又曰環跳穴痛不止防生附骨疽以蒼朮為君佐以黃柏之辛行以青皮冬加桂枝夏加條苓體虛者加杜仲牛膝以生甘草為使作大料煎入薑汁食前飲之痛甚者恐煎藥十數貼發不動少加麻黃一二貼又不動者恐疽將成急掘地坑以火煨坑通紅沃以小便令患者赤體坐於坑中以席或綿衣圍抱下體使熱氣薰蒸腠理開氣血通暢而愈

羌活防己湯治附骨疽初發於太陽厥陰太陰分者

羌活

川芎

蒼朮

防己

木香

連翹

射干

甘草

白芍藥

木通

當歸尾

蘇木各七分

右細切水酒各一大盞煎至七分食前服美膳壓之

托裏黃芪湯治骨疽初發於足少陽陽明分者

柴胡一分錢二分

連翹八分

肉桂八分

鼠粘子八分

黃芪八分

當歸尾一分錢五分

黃柏四分

升麻四分

甘草炙四分

白芷一分錢

右細切作一服酒一盞水一盞半煎至一大盞空心服美膳壓之

內托黃芪酒煎湯治瘡生腿外側或因寒濕得附骨疽於足少陽經分微侵足陽明經堅硬漫腫行步作痛或不能行

柴胡六錢五分

連翹八分

肉桂八分

大力子炒

黃芪各四錢一作四分

當歸尾八錢

黃柏五分

升麻七分

甘草炙五分

白芷二錢

右細切水酒各一盞煎至一盞食前溫服

黃連消毒飲治附骨疽

黃連 一錢

黃芩

黃柏 各五分

生地黄 四分

知母 四分

羌活 一錢

獨活 四分

防風 四分

藥本 五分

當歸尾 四分

桔梗 五分

黃芪 二分

人參 二分

甘草 三分

連翹 四分

蘇木 二分

防己 五分

澤瀉 二分

陳皮 三分

右細切作一服水煎服一老人年七十因寒濕地氣得附骨疽於左腿外側少陽膽經之分微侵足陽明經分濶六七寸長一小尺堅硬漫腫不辨肉色皮澤但行步作痛以指按至骨大痛與此藥一服即止次日堅軟腫消而愈
內托黃芪柴胡湯治附骨疽

生地黄 五分

黃柏 三分

肉桂 二分

羌活 五分

當歸梢 七分半

土灰根 酒洗

柴胡梢 各一錢

連翹 一錢三分

黃芪 二錢

右細切作一服酒一盞水二盞煎至一盞去粗空心熱服賈德茂小男於左大腿近膝股內出附骨疽不辨肉色漫腫光澤木硬瘡勢甚又且左脚乃肝之髀上也更在足

厥陰肝經之分少侵足太陰脾經之分其脉左二部細而弦按之洪緩微有力與此藥而安

腎癰方法

丹溪曰腎癰者腎居小腹之後在下此陰中之陰道遠位僻雖曰太陽多血然氣運不到血亦罕來中年後尤慮患此纔有腫痛參之脉証但見虛弱便與滋補與氣可保終吉若無積補之功其禍多在結痂之後或半年已來乃病多致失手慎之慎之

內托羌活湯治足太陽經中左右尺脉俱緊按之無力尻臀生癰堅硬腫痛大作

羌活

黃柏

酒炒各二錢

防風

藜蘆

當歸尾

各一錢

肉桂

三分

連翹

甘草

炙

蒼朮

陳皮

各五分

黃芪

一錢五分

右細切作一服水二盞酒一盞煎至一盞去粗稍熱空心服以衣覆蓋癰上使藥力行去衣

行去衣

內疽方法

丹溪曰內疽者皆因飲食之火挾七情之火相鬱而發飲食者陰受之七情者臟腑受之宜其發在腔子而頭向外非干腸胃膏膜也宜以內托之藥托出于外以針開之而愈

先用四物湯加桔梗香附生薑煎服膿出後亦用四物湯調理而安

肺癰方法

丹溪肺癰先須發表千金方曰病咳唾膿血其脉數實或口中咳胸中隱隱痛脉反滑數者為肺癰其脉緊數為膿未成緊去而但數者膿已成也

要畧治肺癰先以小青龍湯一貼以解表之風寒邪氣然後以葶藶大棗瀉肺湯桔梗湯葦葉湯隨証用之以取膿血此治腫瘍之例也終以韋宙獨行方名黃以補裏之陰氣此治潰瘍之例也

黃昏湯治胸中甲錯隱痛知為肺癰

合歡木皮一掌大

右以水三盞煮取一盞半分二服

葶藶大棗瀉肺湯治肺癰或肺脹喘促不得卧

葶藶

一兩炒黃研為細末煉蜜為丸如彈子大

大棗 十枚

右以水三盞煎大棗至二盞去棗入葶藶一丸再煎至一盞攪勻服之

葦葉湯治欬有微熱煩燥胸中甲錯出千金方

葦葉二斤

薏苡仁 半斤

桃仁 五十个

瓜瓣 半斤

右以水一斗先煮葦葉至五升去粗入諸藥煮取二升分溫再服當吐痰如粥而愈
桔梗湯治肺癰心胸氣壅咳嗽膿血心神煩悶咽乾多渴兩腳腫滿小便赤黃大便多澀

桔梗

貝母 各一錢

當歸

水蘊子 各八分

枳殼 炒五分

薏苡仁 八分

桑白皮 五分

防己 五分

甘草節 三分

黃芪 五分

杏仁 去皮炒 另研

百合 各三分

右細切作一服水一盞半加生薑五片煎至八分去粗溫服不拘時若大便秘者加大黃小便澀者加木通

又方治前証

水蘊仁

當歸

桔梗

貝母

白芷

甘草 各一錢

右細切作一服水一盞煎食後服一方無貝母白芷有葶藶子

肺癰已破入風者不治或用太乙膏丸服以搜風湯吐之

有吐膿血如肺癰狀口臭他方不應者宜消風散入無病男子髮灰清米飲調下可二

服而愈

祖傳經驗秘方治肺癰未成膿者立消已成膿者立潰其効如神用樟漆樹葉一名接骨

木又名繼骨樹又名野黃楊田畔路側皆有之右一味細研畧入濾過以酒調服不飲酒人入生薑研服

腸癰方法

丹溪曰腸癰當作濕熱積治入風難治

千金謂腸癰妄治必殺人其病小腹腫強按之則痛小便數淋時時汗出復惡寒身皮甲錯腹皮急如腫狀脉數者微有膿也巢云洪數已有膿脉若遲緊者未有膿甚者腹脹大轉側有水聲或透臍生瘡或膿自臍出或大便秘血羽林婦証具前脉法下腸癰治法要畧以薏苡附子敗醬散千金以大黃牡丹湯灸法屈兩肘正肘頭銳骨端灸一百壯下膿血而安

薏苡附子敗醬散

薏苡仁 一錢

炮附子 一分

敗醬 三分

右為細末每服方寸匕水二盞煎至一盞連相頓服之小便當下膿血而愈

大黃牡丹湯

大黃 四分

牡丹皮 一兩

桃仁 五十枚去皮尖另研

芒硝 三合

瓜蒌子 半升

右細切用水六升煎取一升去粗入芒硝再煎一沸分三服頓服之有膿即下膿無

東陽呂俊文得潮熱微似瘧狀小腹右邊有一塊大如雞卵作痛右腳不能伸縮一醫
作奔豚氣治十餘日不驗召予診候其脉左寸乳而帶澇右寸乳而洪實兩尺兩關
俱洪數予曰此大小腸之間欲作癰耳幸膿未成猶可治療與五香連翹湯加減與
之間以蜈蚣炙黃酒調服之三日內平安

乳癰方法

丹溪曰乳癰多因乳母不知調養所致蓋乳房陽明所經乳頭厥陰所屬忿怒所逆鬱悶
所逼厚味所釀以致厥陰之氣不行故竅閉而汁不通陽明之血沸騰故熱甚而化為
膿或因所乳之子膈有滯痰含乳而睡口氣煖熱所吹而成結核初梗忍疼揉令核軟
吮令汁透可散否則結成矣治法以青皮疎厥陰之滯石膏清陽明之熱生甘草即行
汚濁之血水薑子消導腫毒或加沒藥青橘葉皂角刺金銀花當歸身或湯或散須以
少酒佐之若加艾火二三壯於痛處灸之尤妙彼粗工使用針刀必成拙病

乳癰用蒲公英同忍冬藤入少酒煎服即欲睡是其効也

乳癰未潰以青皮瓜蒌仁桃仁連翹川芎橘葉皂角刺甘草節隨証加減煎服已潰以

人參黃芪川芎當歸白芍藥青皮連翹瓜蔓甘草即煎服

東垣升麻托裏湯治婦人兩乳間出黑頭瘡瘡頂陷下作黑眼子其脉弦洪按之細小

黃柏二分

肉桂三分

鼠粘子五分

黃芪

炙甘草節

當歸身各一錢

連翹

升麻

葛根各一錢五分

右細切作一服水一盞酒半盞同煎至一盞食後熱服

妳岩方法

石香程氏曰妳岩始有核腫結如蟹棋子大不痛不痒五七年方成瘡初便宜多服疎氣行血之藥須情思如意則可愈如成瘡之後則如妳穴之凹或如人口有唇赤汁膿水浸淫胸膈氣攻疼痛用五灰膏金寶膏去其蠹肉生新肉漸漸收斂此疾多生於憂鬱積念中年婦人未破者尚可治成瘡者終不可治

十六味流氣飲治妳岩

人參

黃芪

川歸各一錢

川芎

肉桂

厚朴

白芷

甘草各五分

桔梗三分

防風

烏藥

檳榔

芍藥

枳殼

木香 各五分

紫蘇 一錢五分

右細切作一服或加青皮一錢水二大盞煎至一盞服

單煮青皮湯治婦人百不如意久積憂鬱乳房内有核如蟹甚子

每服用青皮四錢細切以水一盞半煎至一盞日二服已上二方間服至核消住藥

橘葉散治証如前

青皮

石膏 煨

沒藥

甘草節

當歸頭

金銀花

蒲公英 各五分

瓜蒌子 一錢

皂角刺 一錢五分去尖畧炒出汗

右細切作一服加青橘葉一小握以酒一盞半煎至一淺盞食後或卧時服

丁香散治乳頭破裂或因小兒吹乳血乾自裂開多痛

丁香 不拘多少

右一味為末乾敷裂處如燥唾津調敷

囊癰方法

丹溪曰囊癰者濕熱下注也有作膿者此濁氣順下將流入滲道因陰道或虧水道不利

而然膿盡自安勿藥可也惟在善於調攝耳又有因腹腫漸流入囊腫甚而囊自裂開

畢九懸掛水出以輔炭末敷之外以紫蘇葉包裹仰臥養之

癰疽入囊者曾治數人悉由濕熱入肝經處治而用補陰藥佐之雖膿潰皮脫畢九懸掛者皆不死

一方用野紫蘇葉面青背紅者是也焙乾為細末敷之如燥以香油調敷囊脫無皮者外以青

荷葉包之其皮自生

丹溪便毒方法

便毒是厥陰經濕熱因勞倦而發用射干三寸同生薑煎食前服得利二三行効射干

開紫花者是紅花者勿用

一方用破故紙鼠粘子微炒黑牽牛炒大黃酒蒸焙乾各等分為末每服一兩酒調下

又方已結成膿者用大黃酒蒸

連翹各五錢

枳實三錢

厚朴

甘草節各三錢

桃仁二十一箇

生薑三片分三服水煎服之

石香程氏曰便毒一名驕馬癰此奇經衝任為病而癰見於厥陰經之分野其經多血又名血疔或先有疔瘡而發或卒然起核疼痛而發皆熱鬱血聚而成也初發宜疎利之即散變膿後如常用托裏內補之藥

蘇方木散治便毒

木鱉子去殼

當歸尾酒浸

芍藥

白芷

粉甘草

川芎

射干

忍冬藤即金銀花

大黃剉碎酒浸濕紙包煨

川山甲糠火煨炒黃脫

沒藥另研

蘇方木各六錢一作六分

右細切作一服水酒各一盞煎至一盞食前服

玉燭散治便毒

川芎

當歸

生地黃

赤芍藥

朴硝

大黃依前製

甘草炙各八分

右細切作一服水煎食前服

牡蠣大黃湯治同前証

大黃依前製

牡蠣各二錢五分火煨

甘草一錢

瓜蒌一箇去皮

右細切作一服水二盞煎至一盞溫服

療癰方法

丹溪曰療癰必起於少陽一經不守禁忌延及陽明大抵食味之厚鬱氣之積曰風曰熱皆此二端拓引變換須分虛實實者易治虛者可慮以其屬膽經主決斷有相火且氣

多血少婦人見此若月經不作寒熱便生稍久轉為潮熱危矣自非斷慾食淡神仙不治也

治瘰癧用立效散與瓜蔓散相間服神効

本草云夏枯草大治瘰癧散結氣有補養厥陰血脉之功而經不言觀其能退寒熱虛者可仗若實者以行散之藥佐之外以艾灸亦漸取効

治血少馬刀瘰癧肚泄以四物湯倍酒炒芍藥牡蠣粉陳皮柴胡甘草黃連玄參炒神

麤桑椹膏

石香程氏曰瘰癧之症內經謂之結核者是也結核有大小如大豆銀杏連串而生者形大如馬刀者謂之馬刀瘰癧別為火類夫火亢之甚必兼水化制之其核故堅也凡瘰癧之起始生於耳後足陽明少陽二經浸淫於太陽之經漸隨經流注于腋脇手足皆有也治法以火針刺入核中不可透底納蟾酥膏於中外用綠雲膏貼之三日後取去核中稠膿膿盡取去核外薄膜先破初起之核一枚以絕其源服藥後出者皆愈或不肯收如銀杏者盡皆開了用藥取之其自潰者猶如木果之腐熟肉雖潰而核猶存故膿水淋漓久難得愈治者用鉄烙燒赤烙去其破核猶存者併肉潰處次用金寶膏龍珠膏等藥追去惡毒之根遂能長肉而愈隨經絡証候服除風熱兼引經之藥以除根

本可獲全功也

蟾酥膏

蟾酥 如大豆許

白丁香 十五枚

寒水石 些少

巴豆 五粒

寒食麴 些少

右各另研和作一處再研煉蜜為丸如菜豆大每用一丸或二三丸納入針竅中如膿未盡再用數丸以膿盡為度

綠雲膏

黃連

大黃

黃芩

黃柏

木鱉子 去殼各錢

玄參

右細切用香油一兩同煎焦色去藥入淨松香五兩再煎成膏投入水中扯拔令金色入銚再熬放溫入後藥

猪膽汁 三箇

銅綠 三錢醋浸一宿即去粗

右用竹筴帶溫攪勻然後如常攤貼兼治瘡口不乾加乳香沒藥輕粉尤妙

金寶膏去腐肉朽肉不傷良肉新肉

桑柴灰 五碗用沸湯十碗淋汁用草灰一層皮紙二層故羅底次置灰於上淋之

穿山甲 二兩煨胖

信砒二錢 另研

杏仁七枚 去皮同信 生地黄二兩

辰砂一錢 另研

粉霜另研

麝香各五分

右將灰汁濾澄清下鍋煎濃下甲末候焦乾一半下麝香次下粉霜乾及九分下辰砂候成膏下炒石灰末以成塊子即收入小罐子內勿見風

龍珠膏

龍芽草五兩

棘棗根五錢

海藻二錢 五分

蘇木五錢

右細切量水二十碗煎至十二三碗濾去粗又用

桑柴灰二碗半

石灰二碗半

蒼耳草灰二碗半 以草紙二層皮紙二層

放羅底次置灰於上用煎湯熱淋取灰汁十碗許澄清入鍋內煎成膏用巴豆霜白丁香石膏麝香輕粉磁罐子收貯每用取數核上再敷即去舊藥併膏再上新藥其核即潰而愈根小者但只塗藥於根上其核自潰

救苦化堅湯治瘰癧馬刀挾癭在耳下或耳後下頸至肩上或入缺盆中乃手足少陽之經分其燥癭在頰下或至頰車乃陽明之經分受心脾之邪而作也今將二証合而治之

黃芪一錢 瘦皮毛 固補氣理虛及活血氣為 瘰癧之聖藥 入煎水補元氣之妙劑也

人參三分 補肺氣之 藥也 如氣短不

調及喘者
宜加之

升麻 各一錢

炙甘草

五分能調中和諸藥瀉火
益胃氣亦能去瘡中之邪

真漏蘆

連翹 一錢此一味乃
十二經瘡中之

藥不可無也散諸血結
氣聚此瘡家之神藥也

牡丹皮

三分去腸胃
中留滯宿血當歸身 三分

生地黄 三分

熟地黄

三分此三味諸經中
和血生血涼血藥也

白芍藥

三分如夏月
倍之其味酸

氣寒能補中益氣之虛治
腹痛必用之冬寒不可用

肉桂

二分大辛熱能散結積陰証瘡瘍須
當少用之此寒因熱用之意又為寒

陰覆蓋其瘡用大辛熱去陰
寒之氣如有煩燥者去之

柴胡

八分功同連翹如瘡
不在少陽經則去之

鼠粘子

腫不用

羌活 一錢

獨活 五分

防風

五分已上三味
必問手足太陽

症脊痛項強不可回顧腰似折項似拔者是也其防風一味辛溫如
瘡在肘以上雖無手足太陽經症亦當用之為能散結去上部風邪

昆布

二分其味太鹹若堅硬
者宜用蓋能軟堅也

荆三棱

炮二分

廣木

炮三分此二味
若瘡堅硬甚者

用之如不甚堅
硬者不須用

益智

二分如唾多者胃不和也或病人吐
沫吐食胃中寒者加之無則勿用也

麥蘖麴

一錢治腹中
縮急又能消

食健

神麴

炒二分食不
消化者用之

黃連

三分治
煩悶

厚朴

薑製一錢如
腹脹者加之

黃柏

炒三分如有熱或腿脚無力者加之如有煩燥
欲去衣者腎中有伏火也更宜加之無則勿用

右件共為細末湯浸蒸餅捏作餅子日乾搗如米粒大每服三錢白湯送下 如氣

不順加橘紅甚者加木香少許量病人虛實臨時斟酌與之母令藥多妨其飲食此

為治之大法也

如止在陽明分者去柴胡鼠粘子二味餘皆用之 如在少陽分

為馬刀挾癭者去獨活漏蘆升麻葛根更加瞿麥三分 如本人素氣弱其病勢來時氣盛而不短促者不可用考其平素宜作氣盛而從病變之權也宜加黃芩黃連黃柏知母防己之類視邪氣在上中下而用之 假令邪氣在上焦加黃芩半酒洗半生用在中焦加黃連半酒洗半生用在下焦則加酒制黃柏知母防己之類選而用之 如大便不通而滋其邪盛者加酒制大黃以利之 如血燥而大便乾燥者加桃仁泥酒制大黃二味 如風結燥不行者加麻仁大黃以潤之 如風澀而大便不行者加煨皂角仁大黃秦朮以利之 如脉澀覺身有氣澀而大便不通者加郁李仁大黃以除氣燥也 如陰寒之病為寒結秘而大便不通以局方中半硫丸或加炮附子乾薑煎水冷服之 大抵用藥之法不惟瘡瘍一家諸疾病重人素氣弱者當去苦寒之藥多加人參黃芪甘草之類瀉火而先補其元氣餘皆倣此

柴胡連翹湯治男子婦人馬刀瘡

中桂 一分

當歸梢 五分

鼠粘子 炒另研

炙甘草

酒黃栢

生地黃 各一錢

柴胡 一錢五分

黃芩 炒

酒知母

連翹 各一錢五分

瞿麥 二錢

右細切作一服水二盞煎稍執服

消腫湯治馬刀瘡

鼠粘子炒五分

黃連炒五分

當歸梢

甘草各七分

瓜蒌根

黃芪各一錢
蜜炙

生黃芪

柴胡去蘆各一錢二分

連翹二錢

紅花少許

右細切作一服水二盞煎至一盞去粗稍熱服

柴胡通經湯治小兒項側有核堅而不潰名曰馬刀瘡

柴胡去蘆

連翹

當歸梢

生甘草

黃芩

鼠粘子炒

荊三稜醋炒

桔梗各二分

黃連五分

紅花少許

右細切作一服水二盞煎至一盞去粗食後稍熱服忌苦藥泄大便

散腫潰堅湯治馬刀瘡結硬如石或在耳下至缺盆或肩或脇下皆手足少陽經中及

療癰遍於頰或至頰車堅而不潰在足陽明經中所出或二症瘡已破流膿水並皆治之

黃芩八分酒洗
半炒半生

草龍膽酒洗炒
四兩

瓜蒌根酒洗

黃柏酒制炒

知母酒炒

桔梗去蘆

昆布酒洗各五分

柴胡四分

炙甘草

荊三稜酒洗炒

廣木酒拌炒

連翹各三分

葛根 二分

白芍藥 二分

當歸梢 二分

黃連 二分

升麻 一分

右細切作一服水二盞先浸半日煎至一盞去粗食後稍熱服於卧處伸足在高處頭低垂每含一口作十次嚥下服畢少頃依常安卧取藥在膈上停蓄故也另攪一料作細末煉蜜為丸如棗豆大每服百餘丸以煎藥湯送下或加海藻五分炒入亦

妙用藥妙處世醫莫曉也

升陽調經湯治療癰遠頸或至煩車此皆出足陽明胃經中來若瘡深遠隱曲肉底是足少陰腎經中來乃戊脾傳於癸腎是夫傳與妻俱作塊子堅硬大小不等並皆治之或作丸亦可

升麻 八分

葛根

草龍膽 用酒四

黃芩 各四分

連翹 五

廣木

荆三稜 酒製炒

炙甘草 各四分

當歸梢 三

桔梗 五

芍藥 三分

黃柏 酒炒

知母 酒炒

黃連 酒洗

黃芩 生

右細切作一服水二盞先浸半日煎至一盞去粗臨卧稍熱服外另稱十貼之數為細末煉蜜丸如棗豆大每服一百丸服藥時足高去枕仰卧嚥一口作十次嚥之留一口在後送下丸藥服畢寢卧如常

連翹散堅湯治耳下或至缺盆或肩生瘡堅硬如石動之無根名曰馬刀瘡從手足少陽經中來也或生兩脇下或已流膿作瘡未破並皆治之

柴胡

一錢二分

草龍膽

酒制四次

土朮根

酒制炒各一錢

黃芩

酒炒二分

當歸梢

生黃芩

廣木

荆三稜

酒炒

連翹

白芍藥

各五分

炙甘草

三分

黃連

酒炒

蒼朮

米泔浸各二分

右細切作一服外另秤十貼之數為細末煉蜜為丸如菜豆大每服百餘丸煎者用水二盞先浸大半日煎至一盞去粗臨卧稍熟服去枕仰卧每口作十次嚥之留一口送下丸藥服畢如常安卧更以後藥塗之

龍泉散

龍泉粉

炒即磨刀石上粉也

瓦礫粉

廣木

荆三稜

酒洗炒

昆布

各五錢

右同為細末煎熟水調塗之用此藥去疾尤速

三聖丸治瘰癧神効却藥

丁香

五十粒

斑猫

十箇去翅及頭足炒

麝香

一錢另研

右為末用鹽豉五十粒湯浸爛研如泥和前藥末丸如菜豆大每服七丸食前溫酒送下日三服至五七日覺小便淋瀝是藥之効便加服或小便下如青筋膜之狀乃病之根也忌濕麵毒食

立驗大聖散治療癰切藥

班貓大者三十箇去頭及翅足用糯米一合同炒米黃色去米用班貓

白殭蚕一錢去絲嘴炒

黑牽牛半生半炒共三錢取頭末

錢一
荊芥穗一錢

右為細末每服一錢空心無灰老酒下服此藥須忌魚肉酒醋鹽醬及發風動氣等物止可吃菜蔬白粥且如次早服藥隔夜不吃夜粥黃昏煎川木通湯調下玉屑妙靈散二錢重次日五更酒調立驗大聖散一貼如不能飲酒用燈心木通湯調下至日中覺小腹攻痛小便澁痛又用燈心湯調下琥珀末一錢或玉屑妙靈散亦可當利惡物從小便中出如蒲萄肉狀中有凝血一點或未下三日後可再服至日中前用六丁神散一服催之必然自下五六日後再催一服以病根除盡為度如項上有癰一枚取下惡物十枚則盡病根如有小腹攻急莖中澁痛之惱不必驚恐過後便自平復無事

玉屑妙靈散

滑石細研為末每服一錢煎川木通湯調下

六丁神散

苦丁香

六枚或科五分重

白丁香一錢

苦參末五分

赤小豆一錢

磨刀泥

青石者佳一名龍泉粉

大班猫頭足炒

白殭蚕

去熟嘴炒各一錢

右共為細末每服一錢重空心無灰酒調下

癭瘤方法

破結散治石癭氣癭筋癭血癭肉癭馬刀瘰癧等症

海藻

酒洗淨

龍膽草

酒洗

海蛤粉

通草

貝母

去心

昆布

酒洗淨

礬石

枯

松蘿

各三錢今以桑寄生代效

麥麴

炒四錢

半夏

麴二錢

右為細末每服二錢熱酒調食後服忌甘草鯽魚雞肉五辛生果 有人於項上生癭大如茄子潮熱不食形瘦日久百方不効後得此方去松蘿加真桑寄生一倍服三五日後其瘡軟而散熱退而愈屢醫數人皆効

南星散治皮膚頸項面上生瘤大者如拳小者如粟或軟或硬不痒不痛宜用此藥切不

可輒用針灸多致不救

生南星大者一枚

右細研爛入好醋五七點杵如膏如無生者即以乾者為末醋調如膏先以細針刺患處令氣透却以膏藥攤貼覺痒則頻換貼取效

瘤者氣血凝滯結聚而成或如桃李或如瓜瓠其名有六曰骨瘤曰脂瘤曰膿瘤曰血瘤曰筋瘤曰風瘤以其中各有此物而名之也已上諸瘤通用龍珠膏治之

龍珠膏

方見前癰疽條下

瘤宜服十六味流氣飲

方見前癰疽條下

凡癰氣先須斷厚味用海藻一兩黃柏二兩為末置掌中時時舐之以津唾嚥下待消三分之二止藥

結核方法

丹溪曰大凡結核在項在臂在身如腫毒不紅不痛不作膿者多是痰注不散名曰痰核用二陳湯加酒炒大黃連翹桔梗柴胡煎服

又方治臂核作痛用二陳湯加連翹川芎皂角刺防風黃芩

酒炒蒼朮煎服

治耳後項門各有一核用炒殭蚕酒蒸大黃青黛牛膽南星為末蜜丸噉化

疔腫方法

石香程氏曰疔腫之症皆蓄熱毒之深而成者也近者多見因食災牛瘦馬之肉而成此証其形有十三種皆以形而名之耳一曰麻子疔二曰石疔三曰雄疔四曰雌疔五曰火疔六曰爛疔七曰三十六種疔八曰蛇眼疔九曰鹽膚疔十曰水洗疔十一曰刀鏹疔十二曰浮溫疔十三曰牛狗疔惟三十六種疔最為可畏其狀頭黑浮起形如黑豆四畔大赤色今日生一明日生二後日生三乃至十數尤為可治若滿三十六則為不治之証也夫十三種疔其形狀雖各不同而其所由皆熱毒之甚也治法並急用奪命丹下之去其毒之銳勢次服化毒丸及內托散二法散雄麝湯隨証經絡病勢緩急用引經藥斟酌施治如無他証有熱即退熱有腫則退腫如身冷自汗嘔逆燥喘狂喝妄語直視者皆毒氣入內不可治矣如疔已拔去用金銀白芷散加減十宣散調之方獲全安也

今將十三種疔証候開列于後

一曰麻子疔其狀肉起頭如黍米色稍黑四邊微赤多痒忌食麻子近油衣布衣井入麻田中行

二曰石疔其狀皮肉相連色如黑豆甚硬刺之不入肉微痛忌瓦礫磚石之屬

三曰雄疔其狀炮頭黑靨四畔仰炮漿起有水出色黃大如錢孔形高者忌房事

四曰蝨疔其狀瘡稍黃向裏膿亦似灸瘡四面胞漿起心凹色赤如錢孔者忌房事

五曰火疔其狀如湯火燒灼瘡頭黑膿四邊有煙焰又如赤粟米者忌火燒烙

六曰爛疔其狀色稍黑有白斑瘡中潰有膿水流出血形大小如是面者忌沸熱食物

七曰三十六疔其狀頭黑浮起形如黑豆四畔起赤色今日生一明日生二及至十數未滿三十六猶可施治若滿三十六藥所不能治也忌嗔怒蓄積怨恨

八曰蛇眼疔其狀瘡頭黑皮浮生形如小豆狀似蛇眼大體硬忌惡眼人看并嫉妒人見忌毒藥

九曰鹽膚疔其狀大如是面四邊皆赤有黑粟粒起大忌食鹽味

十曰水洗疔其狀大如錢形中如錢孔瘡頭白裡黑膿汁出中硬忌飲漿水水洗渡河

十一曰刀鐮疔其狀濶狹如雞葉大長一寸左側肉黑如燒烙忌刺及刀鐮切割鉄刀

所傷可以藥治不可亂攻

十二曰浮瀰疔其狀瘡體曲圓少許不合長而狹如雞葉大內黃外黑黑處刺之不痛

黃處刺之痛

十三曰牛狗疔其狀肉色胞起搗不破

右十三種疔瘡初起瘡心先痒後痛先寒後熱熱定則寒多四肢沉重心驚眼花若大重者則嘔逆嘔逆者難治其麻子疔一種始末惟痒初錄忌者不得觸犯觸犯者發作難治其浮溫疔牛狗疔兩種無所禁忌縱不療亦不能殺人其狀寒熱與諸疔不同皆宜將護依法治療禁忌不得觸犯若或觸犯脊強瘡痛極甚不可忍者是也又云疔腫初發時突起如釘故謂之疔令人惡心惡寒四肢強痛一日瘡變為焦黑色腫大光起根硬刺之不覺痛皆其候也在手足頭面胸背骨節間最急其餘處則可治毒入腹則煩悶恍惚似醉如此者三二日間死矣皆不可不速治也

返魂丹經云汗之則瘡愈必用此藥汗之

乳香

沒藥

辰砂

雄黃

各一錢五分

輕粉

片腦

麝香

各五分

海羊

即蝸牛也
不拘多少

蟾酥

青黛

粉草

硼砂

各一錢

右為細末用海羊搗膏為丸如難丸加酒麪糊些少丸如彈子大每服一丸兼生蔥頭二三箇細嚼嚥下疔腫及癰腫毒氣入膈者得微汗即解一方加銅絲寒水石輕粉枯礬各一錢重

按上藥皆非發汗之藥蓋能解毒又能追逐毒氣從腠理為汗化也

拔疔法以黑牯牛牽於石塔上必撒糞候糞上生菌取焙乾與篩蒼草葉等分為細末先用竹筒兩頭去節一頭解十字路將不解頭套在疔上以線緊縛竹筒陷入肉內為度以前藥末一是滴水和水之放於筒內少時藥滾起則疔自拔起若一次未効漸加度數其疔必拔也

奪命丹

巴豆

一兩去殼脂
煮一伏時

黃丹

三錢炒

硃砂

雄黃

各三錢

乳香

鬱金

各五錢

大黃

一兩

輕粉

二十朵

蟾酥

一錢或
五分

飛羅麵

三兩

右為細末蠟水糊為丸如菜豆大隨身年分虛實加減丸數服之以下其毒如無奪

命丹雄黃丸代之亦効

雄黃丸

雄黃

鬱金

各一錢

巴豆

十四粒
去殼

麝香

少許

皂角

全蝎

各一錢

右為細末滴水為丸如菜豆大每服二十九清茶送下亦看大小虛實斟酌加減丸

數

化毒丸

片腦

麝香 各五分

硃砂

硃砂

雄黃 各二錢

輕粉 十黍

蟬蛻 二十枚
洗去土

右為細末新取蟾酥為丸如菜豆大每用一丸放於舌上取涎而愈

獨蟾丸 併取蟾酥法

拿取活蟾 即大壯蝦蟆通身有傀儡者俗名癩蝦蟆又名風雞大者重五六兩不拘幾箇

捉住後脚以大桑葉或油單紙包掩其頭用鐵釘一箇括取眉間白汁澣於葉上凝結如濕真粉就丸如菜豆大一蟾或作一丸多者作二丸懸當風處陰乾如患疔腫者即以一二丸置舌尖上仰卧片時其苦水滿口就以此水嚥下或以銀鍼刺開疔腫頭上納藥一丸於中外以薄皮紙貼護之勿令藥脫落背癰及一切癰腫初起時亦可依此法治之神效 此上取蟾酥法切勿蟾無雄黃珠砂

雄麝湯解疔毒如神 凡解毒不可無雄黃珠砂

雄黃 另研一錢

硃砂 另研一錢

真菜豆粉 二錢

麝香 另研

乳香 另研各一錢

白芷

茜草根

紫花地丁草 各二錢

牡蠣

僵蚕

牛旁子 炒

大黃

金銀花

青木香

梔子

荊芥穗

朴硝

甘草 各一錢

胡桃 二箇去殼膜

右以白芷以後一十四味細切用無灰酒一碗浸少時搗細又加水一碗同煎至一碗去粗及濁脚入前雄黃等五味調勻作一服更審患處經絡分野依東垣引經瀉火藥加之尤妙欲利倍加大黃朴硝二味臨後下 茜草即過山龍

二活散

羌活

獨活

當歸

烏藥

赤芍藥

金銀花 酒洗

連翹

天花粉

甘草節

白芷 各四錢五分

紅花

蘇木

荊芥

蟬蛻

乾葛 各三錢

檀香 二錢

右為細末每服三錢煎蒼耳湯調下

取疔散

雄黃

硃砂

蟾酥

信石 各一錢

巴豆 十粒

輕粉 十條

右將疔四畔用針刺破醋調塗敷疔落後用長肉拔毒膏藥貼之

解毒丸

白芷 十兩

木香 五兩

硃砂 研一錢

貫衆 晒乾杵末秤四兩取新者去皮

切

朴硝 四兩

蘿蔔子 去殼醋浸炒

京墨 八錢

右和勻糯米糊丸如龍眼大青黛為衣陰乾每服一丸無灰酒磨化下

賀藍先生解毒丸解諸藥毒及山嵐瘴氣火牛馬猪羊肉毒魚腥麪菜毒暑熱濕毒傷寒

濕毒小兒斑疹喉痺急証紅赤癰腫及諸般無名腫毒

黃柏

貫衆

茯苓

藍根

葛根

生地黃

雄黑豆

甘草

滑石

縮砂

陰地蕨

薄荷 各三兩

益智

大黃

寒水石

紫荷車 即金線重樓

馬勃

草龍膽

殭蚕 炒

百藥煎

山梔子 各一兩

右為細末煉蜜丸每一兩分作十丸細嚼新汲水送下小兒驚風薄荷汁下蜜水浸

蒸餅為丸亦可或加黃連白芷

萬病解毒丸

射干

文蛤即五倍子

杏仁

石膏

續隨子去殼去油

蚕休即金線重樓

土硫

大戟

山豆根

山茨菰

白藥子

大黃酒蒸各二兩

麝香二錢

青黛一兩

威靈仙一兩

白芷一兩

黃連

風化硝各五錢

右為末糯米糊為丸如彈子大青黛滑石細研為衣陰乾此藥解一切毒蠱毒及鼠莽河豚魚毒菌毒疫死牛馬肉毒喉痺骨鯁竹木刺毒並用急流水磨下癰疽發背疔腫瘡瘍毒蛇犬咬蜈蚣蜂蝎蠱毒刀斧湯火傷並用井花水磨下併塗傷處婦人鬼胎惡氣積塊虫積心胸痞滿肚腹膨脹並用好酒磨下

漏蘆

連翹

黃芩

白飲

枳殼

升麻

麻黃去根節

朴硝各一兩另研

大黃

紫花地丁

金銀花各五錢

右除朴硝外為細末後入硝和勻每服三錢水一盞半薑三片薄荷三葉煎至七分空心溫服利下惡物止藥

地丁即大薊也

一云剪刀草開黃花者名黃花地丁開紫花者名紫花地丁

取疔腫方

青木香根五錢

木香

雄黃

甘草各一錢

右為末湯調下以利去毒氣四五行即愈

破毒散

信石

硃砂

黃丹

雄黃

乳香各一字

斑猫五箇去翅足炒

麝香少許

右為末取新蟾酥和丸如菜豆大以鉗針破開疔頭納藥一丸在內外以膏藥護之如無蟾酥加麝糊些少

灸法以大蒜爛搗成膏塗瘡四圍留瘡頂以艾炷灸之以爆為度如不爆稍難愈宜多灸百餘壯無不愈者

祖傳經驗秘方治食災牛馬肉成疔腫欲死者以桐油木葉搗絞取真汁一二碗頓服之得大瀉毒氣而愈如冬月無葉時取嫩根研水服之亦效未利再服以利為度

諸瘡方法

活魂丹治一切惡瘡大有神効

血竭

乳香

沒藥

銅綠

枯白礬

黃丹

穿山甲

一錢半

輕粉

蟾酥

各五分

麝香

少許

右為細末用蝸牛搗膏為丸如菰豆大每服一丸重者二丸又用葱白一寸嚼爛裹藥熱酒送下食前服

又方用真僵蚕蟬蛻二味等分為末香油調敷拔疔效

治諸般惡瘡

經霜芭蕉葉為末香油調敷先用忍冬藤葱椒蒼耳草煎湯洗瘡淨挹乾敷藥外以油紙掩之

又方治諸般惡瘡用松木上白蟻泥黃丹各等分炒黑香油調敷用油紙夾上日易後用龍骨沒藥斂瘡口收肉

又方治惡瘡用黃丹入香油煎入朴硝抹之

天泡瘡服防風通聖散及用蚯蚓糞炒蜜調敷之從肚皮上起者裡熱發外還用通聖散藥妙

又方治天泡瘡用野菊花棗木根煎湯洗黃柏滑石末敷

治脚上沙瘡清水出者用紫蘇窠泥略炒黃柏二味共研為末香油調敷

治賺瘡用白膠香一兩黃柏石膏各一兩青黛五錢龍骨五分為末香油調敷

治賺瘡方以香油一兩入胎髮如梅大煎焦煇去粗入白膠香黃蠟各一兩煇化入生龍骨赤石脂血竭炒各一兩攪勻候冷磁器盛捏作薄片貼瘡上外以竹箬包之三日後翻過藥再貼以活血藥煎湯洗之

又治賺瘡方用箭筈剪去兩頭以黃柏煮汁令稠和白膠香葶麻子同搗成膏攤箬糙面折縛光面貼之先以清茶放溫洗挹乾貼之

又方治外賺脚瘡用灶心黃土研極細入黃柏赤石脂黃丹各五錢輕粉乳香沒藥各一錢細研和勻以清油調如膏以油絹攤藥將絹面貼於瘡上外以油紙掩之扎縛定縱痒不可開視數日後未愈再換藥緊縛直待結痂去藥先必以茶清洗瘡淨敷藥

桃花散治一切瘡生肌藥

白芨

白欬

黃柏

黃連

乳香另研

麝香另研

黃丹各等分

右為細末摻於瘡上二三日生肌平滿如故

治火燒及湯泡瘡用經霜桑葉焙乾燒存性為細末香油調敷或乾敷二三日結痂平

復

又方治火燒湯泡瘡時取黃蜀葵花以香油浸之其花日漸煇於油中以此油敷瘡即愈或只收花焙乾為末香油調敷亦妙

下疳瘡用青黛海蛤粉密陀僧黃連為末敷之

又方以雞內金燒存性為末敷之

又方治下疳瘡用鳳凰退燒存性研極細香油調敷外看瘡大小剪殼中白膜貼之須靜坐一日不動即結痂矣

頭瘡用猪油二錢

半生半熟

雄黃水銀各二錢五分和勻敷之

金絲瘡其狀如繩線巨細不一上下行至心即死可於瘡頭上截經刺之以出血後嚼

萍草根敷之立愈

手疔瘡用皂角枯礬輕粉黃連黃柏為末敷之

砂瘡用塌地藤燒灰敷之

諸瘡痛不可忍者用苦寒藥可施於資稟厚者若稟氣薄者宜於補中益氣湯中加苦寒藥也若血熱之人瘡痛宜四物湯加黃芩鼠粘子連翹在下加黃柏若肥人濕熱瘡痛宜防風羌活荆芥白芷蓋風能勝濕故也

疥瘡并馬疥瘡用馬鞭草不犯鉄器搗取自然汁半盞飲盡十日內愈神効

白癩風癬以小麥攤石上以鐵器燒紅壓出油搽之立效

治風癬疣瘡用梓樹葉木綿子羯羊屎鼠屎盒油敷之

治癬瘡用浮萍末一兩蒼耳子蒼朮各二兩苦參一兩五錢香附二錢五分黃芩五錢

水煎洗之

身上虛痒用四物湯加黃芩煎調浮萍末一錢服

又方治通身痒用凌霄花為末酒調服一錢

秘傳一擦光治疥瘡及婦人陰蝕瘡漆瘡天火丹諸般惡瘡神効

蛇床子

苦參

蕪荑 各一兩

雄黃 五錢

枯礬 一兩 二錢

硫黃 五錢

輕粉 二錢

樟腦 二錢

大楓子 五錢

川椒 五錢

右為細末生猪油調敷

又方治証如前兼小兒癩頭瘡治之

蛇床子 一兩

雄黃 五兩

硫黃 一兩

枯礬 二兩

大楓子 五錢

川椒 五錢

黃柏 一兩

輕粉 二錢 另拌入

牛皮岸

薰牛皮煙岸也如無以香燼岸代之一兩

黃丹 一兩

右為細末生豬油調敷

凡先哲治癰疽要方俱採摭于後以備選用

五香連翹湯治癰疽未成膿者服之可散但當看時令及資稟加減用之

乳香

木香

沉香

丁香

連翹

射干

升麻

木通

桑寄生

麝香

獨活

大黃

各等分

右細切每服三錢水一大盞煎七分去粗溫服

內托復煎散托裏健胃

地骨皮

黃芩

茯苓

芍藥

人參

黃芪

白朮

桂心

甘草

防己

當歸

各五錢

防風

一兩

蒼朮

半斤

右細切先以蒼朮用水五升煎至三升去朮入前十二味再煎至三四盞取清汁作三四次終日飲之又煎蒼朮粗如前再煎諸藥粗服之

白芷升麻湯治手陽明經分臂上生癰左右寸部脉皆短得之俱弦按之洪緩有力此得之八風之變者

白芷

一錢五分

升麻

桔梗

各一錢

甘草

炙半錢

黃芪

四錢

酒黃芩

四錢

生黃芩

三錢

紅花

五分

右細切分二服水酒各一盞煎至一盞溫服

托裏散治一切惡瘍發背疔腫便毒始發脉洪數弦實腫甚將作膿者三服消盡

大黃

牡蠣

瓜蒌根

皂角刺

朴硝

連翹

各六分

金銀花

當歸

各二錢

赤芍藥

黃芩

各四錢

右細切作一服水酒各一盞煎至一盞四分服

又托裏散

黃芪

當歸

金銀花

甘草

各等分

右細切每服一兩酒水合煎更詳部位各加引經藥尤妙

烏金散治癰疽疔腫時毒附骨疽諸惡瘡等証若瘡黑陷如石堅四肢冷脉細或時昏冒謔語循衣煩渴危篤服此汗之即瘡起

蒼耳頭

五月五日午時收採

草烏頭

火麻頭

六月收採

木賊

去節

蝦蟆頭

樺皮節

酥炙

麻黃

去根節

右晒乾各等分同入磁器內鹽泥固濟烈火煨從早至申時如黑煤色為度研為末每服二錢病重者三錢熱酒調下未汗再進一服如汗已乾却服解毒疎利之藥如脩合此藥必選天時清明好日於靜室中合勿令雞犬貓畜及陰人孝子見之

黃芪六一湯治癰疽發渴

黃芪

六兩蜜炙

甘草

一兩炙

右細切水煎不拘時服

一方治一切瘡癰癰疽發背殊効亦能下瘀血

大黃

三錢

甘草

辰砂

血竭

各一錢

右為細末酒調服

內托護心散

乳香

一兩

真桑豆粉

四兩一方用二兩

右為細末每服二三錢煎甘草湯或新汲水調下

小五香湯

木香

沉香

乳香

藿香

連翹

各二錢

麝香

另研少許

右為細末每服二錢水一盞煎七分溫服

復元通氣散

當歸

穿山甲

煨脆各五錢

川芎

天花粉

炒

青皮

陳皮

各一兩

大黃

甘草

黑丑

取頭末各五錢

右為細末每服二錢溫酒調下

金銀白芷散

黃芪

當歸

各一錢

檳榔

川芎

各五分

甘草

一錢

天花粉

五分

乳香

沒藥

各三分

皂角刺

去尖炒

金銀花

各一錢五分

防風

三分

白芷

一錢

右為細末分三服每服水酒各半盞煎連相服

正鐵籬散

貝母

去心五兩

白芷

蒼耳草灰

醋拌晒乾各二兩

或加龍骨二錢尤妙

右為細末水調或香油調貼瘡上

大鐵錘散

芙蓉葉

猪卷皮

木鱉子各四兩

白芷

黃柏

寒水石各二兩

大黃

紫荊皮各一兩

赤豆

白歛各二兩

白芨一兩

防風五錢

貝母二兩

真地青

羌活各一兩

右為細末凉水調團攤四畔如肉脆去白芨白歛加生地黄地榆用芭蕉油調敷熱甚者用三消散

三消散退極熱証赤腫焮開者

朴硝

礞硝

大黃

梔子炒黑色

寒水石

南星各等分

右為末生地黄汁調塗貼芙蓉葉汁調亦可

雲母膏治一切癰疽瘡瘍折傷等証

蜀椒

去目及閉口者累炒

白芷

沒藥

赤芍藥

肉桂

當歸

鹽花

菖蒲

麒麟竭

黃芪

白朮

芎藭

木香

龍膽草

白欬

防風

厚朴

麝香

桔梗

柴胡

松脂

人參

蒼朮

黃芩

乳香

附子

茯苓

良薑

合歡皮 各五錢

硝石

甘草

雲母 各四兩

柏葉

桑白皮

槐枝

柳枝

水銀 以絹另包待膏成以手細彈鋪在上名養膏母

陳皮 各二兩

清油 四十兩

黃丹 二十兩

右除雲母硝石麒麟竭乳香沒藥麝香黃丹陶花八味另研外餘藥並細切入油浸七日文火煎以柳枝不住手攪候匝沸乃下火沸定又上火如此者三次以藥黑色為度去粗再熬後入丹與八味末仍不住手以槐柳枝攪滴水中成珠不軟不硬為度磁器收貯候溫將水銀彈上用時先刮去水銀或服或貼隨宜用之其功甚大也
太乙膏治一切癰疽瘡癤貼之神効亦可內服須詳証經絡作湯使送下

玄參

白芷

當歸

肉桂

大黃

赤芍藥

生地黃各一兩

黃丹

真麻油二斤

右細切入油浸夏三日冬十日春秋七日文火煎黑色去粗入黃丹再熬以槐柳枝不住手攪滴水成珠不軟不硬磁器收貯

神異膏治諸般癰腫癰毒殊效

露蜂房

有蜂兒多者佳一兩

玄參五錢

黃芪

七錢五分

金蛇退

五錢用鹽水洗淨晒乾

杏仁

一兩去皮尖

黃丹

五兩

香油

十兩

亂髮

如雞子大一塊無病少年男子

者佳皂角水洗淨

右先將香油入亂髮於銚中文火熬候髮焦并盡以杏仁投入候杏仁黑色用真綿濾出粗再將油入銚內然後下黃芪玄參二味文火熬一二時久住火候片時火力稍息漸入露蜂房蛇退二味以柳枝不住手攪慢火熬至紫黑色又再用綿濾過去粗入爐中文武火熬下丹急攪千餘轉滴水中成珠子膏即成矣冬月略嫩些夏月略硬些磁器盛貯隨意攤貼

萬應青雲膏治諸般癰腫未成膿者貼散已成膿者拔毒追膿腹中痞塊止瘡疾貼大椎及身柱其效如神

白松香 一斤去本屑

單麻子 三百粒去殼

杏仁 三百粒去殼

銅青 三兩

乳香 一兩五錢

沒藥 一兩五錢

輕粉 二錢

右共作一處用鉄槌木砧於日中搗成膏如燥少加香油杵之或用石臼木杵搗亦

可用磁器盛緋帛攤貼 湯中燉不火

一方治背癰附骨疽乳癰及一切癰腫未成膿者發散極効

槐花 一兩炒焦色

胡桃 十箇新鮮不油者連殼煨火煨熟去殼

右二味於沙盆內研爛如泥熱酒調和祖溫服如能飲酒人多飲愈効一醉後而癰

腫散矣

稀莖散治癰疽發背及一切癰毒等証效如神

稀莖草 其葉長如牛舌其氣如猪臭者

小薊根

五爪龍 即五葉藤

生大蒜

右四味各等分細研用酒和勻濾去粗服一碗得大汗通身而愈

又方治諸般癰腫神效 已上並祖傳方

新掘天門冬一味約三五兩洗淨入沙盆內研細以好酒盪起濾去粗頓服未効再

服一二服必愈

癰風

癰與癰通
六十一

論

內經曰風之傷人也或為寒熱或為熱中或為寒中或為癰風又曰癰者因營衛熱腐其氣不清故使其鼻柱壞而色敗皮膚瘍潰風寒客於脉而不去名曰癰風丹溪曰是受天地間殺物之風故也然近見病此者原其所由多是熱血得寒所致或夏月勞甚而入寒泉澡浴或冬月酒後而乃踢冰履霜及入水取魚由是濕熱鬱於內而不散風寒客於外而不行內外怫鬱既久而漸成肌肉之敗腐矣經所謂熱勝則肉腐是也大抵此症屬肺歸重於手足陽明之經蓋手足陽明者胃與大腸主之脾肺二經之腑也脾主肌肉而肺主皮毛乃腑及於臟病也經又曰腸胃為市無物不受無物不包故其熱毒積於中而形於外耳故治法必先取陽明而後及於太陰亦本而標之之義也又濕熱甚必生風風甚則生虫如腐草為螢之類又治法必先殺其虫瀉其火然後生血涼血祛風導滯降陽升陰皆為治之急務也治雖多門大畧不越乎此也學者詳之

脉法

脉兩寸浮而緊

或浮而洪

陽脉浮弦陰脉實大

脉浮緩者易治

洪大而數者難愈

沉實者難愈

脉溢者病在上

脉浮者病在下皆為不治之証也

方法

丹溪方法
凡五條

丹溪曰大風病是受天地間殺物之風古人謂之癘風者以其酷烈暴悍可畏耳人得之分在上在下氣受之則在上血受之則在下氣血俱受則在上復在下然皆不外乎陽明一經陽明者胃與大腸也無物不受治之者須致意看其疙瘩與瘡上體先見者多在上也下體先見者多者在下也在上者以醉仙散散取涎血於齒縫中出在下者以通天再造散散取惡物虫積於穀道中出後用防風通聖散調之更用三稜針於委中出血夫上下同得者甚重自非醫者神手病者鉄心罕能免此夫從上或從下以漸而來者皆是可治之証人見其病勢之緩多忽之以法治之雖已全愈若不絕味斷慾皆不免再發而終於不救也予治五人矣其不死者惟一婦人因貧甚無物可食耳餘皆三四年後再發孫真人云嘗治四五百人終無一人免於死非真人不能治蓋無一人能守禁忌耳其婦人於本病外又服百餘貼加減四物湯半年之上月經行十分安愈醉仙散須量人大小虛實與之証候重而急者須先以再造散下之候補養得完復與此藥須斷鹽醬醋諸魚椒果煎炒燒炙等物止可淡粥及淡煮熟時菜雖茹亦不可食惟烏梢蛇菜花蛇淡酒蒸熟食之可以助藥力也

外科精要為諸瘡立法而不及癰風蓋風為百病之長以其殘害膚體去死不遠一有染此鮮能免者比之瘡瘍治法為難乃不言及夫八方之風起因於八方應其時則物生違其時則殺物人之稟受有殺氣者則感而受之如待虛受物後又因起居飲食男女漸成鬱氣二氣積於厥躬脾先受之乃為濕病濕積之久火氣出焉火氣滋蔓氣濁血污一云血熱凝結其氣不清化生諸虫以次傳歷臟腑必死之病而有可生之理其始病者胃氣微傷脾主肌肉流行甚緩傳變以漸或可藉醫藥之功而免謂之必死非惟醫不知藥悉是不能禁慾可哀也夫

近見粗工用藥佐以大楓子油殊不知此藥性熱有燥痰之功而傷血至有病將愈而先失明者

宋洞虛云大風有五黑色不治餘皆可治虫食肝眉落食肺鼻崩食脾聲啞食心足底穿膝虛腫食腎耳鳴啾啾耳弦生瘡或痺或痛如針刺狀食身則皮痒如虫行自頭面來為順風自足起者為逆風多因感寒熱與痰濁雜氣而成治法先以雷公散即再造散下之以稀粥養半月勿妄動作勞後以醉仙散中間或吐或利不必怕怯但顯喉頭面腫吞不得下漸出惡水或齒縫中出臭水血絲或言不得或悶而死難以飲食只以稀粥用管灌入或一旬或半月一月面漸白而安重者又與換肌散

換肌散治大風年深不愈者以致眉毛脫落鼻梁崩塌服此藥不踰月取效如神

黑蛇

白花蛇皆斷黃米者並用酒浸一宿

地龍去土各三兩

當歸

細辛

天麻

蔓荊子

威靈仙

荊芥穗

甘菊花

苦參

紫參

沙參

木賊

不灰木

炙甘草

白蒺藜

天門冬

赤芍藥

定風草按本草即天麻也今皆用野天麻即益母草未知可否再宜審之

何首烏

石菖蒲

胡麻子

草烏頭去皮臍

蒼朮米泔浸去皮

川芎

木鱉子各二兩

右為細末每服五錢溫酒調下酒多為妙

醉仙散

胡麻子

牛旁子

蔓荊子

枸杞子四味俱炒紫色

白蒺藜

苦參

括萎根

防風各五錢寶鑑前一四味各一兩

右為細末每兩五錢入輕粉一錢拌勻再服一錢茶清調下晨午夕各一服後五

七日先於牙縫內出臭涎渾身疼痛昏悶如醉後利下膿血惡臭屎為效

通天再造散

鬱金 五錢

皂角刺 獨生累大者去尖

大黃 泡各一兩

白丑 頭末六錢半生半炒

右為末每服五錢日未出時以無灰酒調面東服之當日必利下惡物或臭膿或虫如虫口黑色乃是多年赤色乃是近者數日後又進一服無虫積乃止

愈風丹治癰疾手足麻木毛落眉脫遍身瘡疹皮膚瘙癢爬之成瘡及一切疥癬風疾皆效

苦參 一斤所取頭末四兩

土挑蛇 一條酒浸二三日去骨取肉日乾

烏梢蛇

白花蛇 各一條並頭末四兩同制

右為細末以皂角一斤剉長寸許段無灰酒浸一宿去酒以新水一椀採取濃汁去粗銀石器內熬膏和前末丸如梧桐子大每服六七十丸煎防風通聖散送下粥飯壓之曰三服三日浴以大汗出為應再三日又浴取大汗三浴乃安 浴去見後條

一法用桃柳桑槐楮五般枝濃煎湯大缸浸坐沒頸一日俟湯如油安矣 本草治惡疾遍身生瘡濃煎萍湯浴浸半日大效此神方也 又以荊芥穗大黃梔子蔚金地黃杜仲防風羌活獨活白疾黎等分為細末以大楓子油入熟蜜丸如梧桐子大每服茶清送下四五十丸一日三服須守戒三五年日誦觀音千萬聲以攝其心禁其

慈乃安也

慾乃安也

一法以苦參五斤好酒三斗漬一月每服一合日三服常與不絕覺脾既安細末服之亦良尤治癰疹方出圖經陶隱居以酒漬飲治惡瘡久服輕身日華子以為殺虫本草除伏熱養肝膽氣予嘗以蒼耳葉為君以此物為佐更以酒煮烏蘘魚代補蛇之或缺研細糊丸如梧桐子大每服五六十丸加至七八十丸熱茶清送下日三服二月而安若入紫萍尤捷紫萍多水蛭須寒月於山沼取之淨洗去泥畧蒸透乾用一法治手指攣曲節間痛甚漸至斬落用草麻子去殼黃連剉如豌豆大各一兩水一升小瓶浸春夏三日秋冬五日取草麻麻破平旦時面東以浸藥水服一粒漸加至四五粒微利不妨忌猪肉魚腥宜如淡菜獲神效

一法先服加減通聖散大瀉惡毒穢積又用三稜針看肉黑處及委中紫脉刺出死血不可令出太過恐損真氣後服神仙紫花丸

防風

五錢
去蘆

連翹

三錢
去蒂

川芎

五錢

白芍藥

二錢

當歸

三錢
酒洗

薄荷

二錢

荊芥穗

五錢

麻黃

三錢
去根
節湯泡

梔子

三錢
去殼

桔梗

五錢

枳殼

去穢
炒

石膏

各五錢

甘草

三錢

滑石

三錢

黃芩

三錢
去朽

柴胡

五錢

黃連 五錢

黃柏 三錢

生地黃 三錢五分酒製

羌活 五錢

熟地黃 三錢五分酒製

錦紋大黃 六兩

芒硝 一兩

皂角刺 一兩獨生者去尖

右細切分八服每服用水一椀半煎至一椀空心服日進二服五六日後又進二服待補養完又行二次然後服後丸藥

神仙紫花丸治癰風及諸般惡瘡風瘡其效如神但要藥真無有不效者輕者一料可愈重者二三料除根

白花蛇 一具出嶺黃州黑質白紋龍頭虎口背上二十四箇方勝花尾尖有一佛指甲新鮮者佳姪腐者不堪用去頭尾各四五寸并一兩為率連皮骨用一兩

錢五

何首烏

荊芥穗

威靈仙 各四錢

麻黃 連根節

胡麻子 一錢

蛇床子 二錢

右六味細切同蛇用無灰酒一大碗浸一宿去蛇皮骨通晒乾仍還原酒內再浸再晒酒盡為度待晒極乾共為細末另包

木香

沉香 各二錢五分

人參 一兩

當歸 七錢五分

明天麻

猪牙皂角 各五錢

麝香 一錢五分鼻塞聲重者倍之 乳香

沒藥 各一錢

明雄黃

辰砂 各五分大塊者佳

肉豆蔻 一枚煨

定風草 二錢半即天麻

還瞳子 即草決明一兩

右麝至辰砂五味各另研極細不見火其餘草木味亦另研細羅過連前五味和勻另包

防風

去蘆

羌活

甘草

細辛

川芎

獨活

蒼木

米泔浸一宿

枇杷葉

去毛筋焙乾

白芍藥

白茯苓

金銀花

五加皮

香白芷

苦參

各五錢

胡麻子

白附子

米泔浸炒

麻黃

川牛膝

草烏頭

米泔浸地

川烏

米泔浸炮

石菖蒲

各二錢五分

右為細末另包

總合法治用大楓子三斤

新鮮者佳去油黃色者不堪用去殼

以磁罐一個盛之少入無灰酒以皮紙竹

箬重重包口勿令泄氣頓滾湯中勿令沒罐口外以物蓋鍋口密封固文武火蒸候

黑爛為度杵無渣滓成油分作三分每一分入第二號藥八錢重第一號藥六錢重

第三號藥一兩五錢重和勻加糯米飯搗極膠粘丸如梧桐子大曬乾勿見火每服

二十九漸加至五六十丸雞鳴時午時臨卧時各一服茶清送下忌房勞鹹酸酒醋

糟淹猪羊雞馬驢肉魚腥煎燂水果五辛薑椒大料辛辣熱物蕎麥菜豆之類若不

忌口斷慾則藥無功雖愈再發其餘肉味病愈後一年可食但猪羊雞肉終身用忌此法乃治癩之神方也不可輕忽

跌傷方法

治跌撲損傷用蘇木以活血黃連以降火白木以和中重便前為妙在下者可下瘀血但先須補托在上者宜飲韭汁或和粥吃切不可飲冷水蓋血得寒則凝但一絲血入心即死

骨損者用古文錢五分醋淬乳香沒藥各一錢酒研服或用接骨散

元戎接骨丹

沒藥

乳香

當歸

川椒

自然銅

醋大服
酒淬

赤芍藥

骨碎補

酒炙

敗龜板

酥炙

虎脰骨

酥炙

白芷

千金藤

即郁李仁已
上各等分

右為細末化蠟五錢九如彈子大每服一丸好酒半升化開煎用向東南柳枝攪散熱服

一方加龍骨川芎

凡治損傷妙在補氣血俗工不知惟在速效多用自然銅以接骨然此藥必煅煉方可

服新出火者其火毒與金毒相觸用此香氣藥毒能自接骨之功其藥散之禍甚於刀

一方加龍骨川芎

服新出火者其火毒與金毒相扇挾香熱藥毒雖有接骨之功其燥散之禍甚於刀劍戒之戒之

治金瘡急以石灰厚傅裹之如瘡深不宜速合者加滑石末敷之

又方老杉木皮為末敷之

凡跌撲損傷腹痛者知有瘀血用桃仁承氣湯加蘇木紅花下之

當歸導滯湯治跌撲損傷瘀滯不行等証

大黃

當歸在上用頭在中用身在下用尾通身痛者全用酒浸洗焙乾

右細切等分每服一兩重酒煎服

鷄鳴散治從高墜下及木石所壓一切損傷瘀血凝積痛不可忍並以此藥推陳致新

大黃一兩

杏仁二十一粒去皮尖另研

右研為末酒大碗煎七分濾去粗鷄鳴時服至晚必取下瘀血即愈愚按此方用杏仁而不用桃仁

者蓋跌乃血入氣分故用杏仁以行氣中之血矣

沒藥乳香散治跌撲損傷痛不可忍

白朮

炒五兩

當歸焙

甘草炙

白芷

沒藥

另研各一兩五錢

肉桂去粗皮

乳香

另研各一兩

右為末和勻再研極細每服二錢溫酒調下

杖丹膏藥方治受杖責後如死血壅腫宜先刺出惡血然後以此膏貼之三四日平復或
早失調理成癰者貼之即散及治諸般癰疽瘡癤毒已潰未潰貼之無不神效

甘草

肉桂

蛇蛻

蟬蛻

露蜂房

連翹

白芷

白芨

白欬

白朮

蒼朮

人參

玄參

苦參

芍藥

南星

升麻

厚朴

梔子

百合

金銀花

天花粉

川歸

川芎

穿山甲

煨胖另末

羌活

獨活

黃連

黃芩

黃柏

大黃

生地黄

紅花

蘇木

柴胡

鱉甲酥炙為末

青木香

何首烏

防風

荊芥穗

藿香

雲母石

各一兩

亂髮壯年無病男
子者一塊

乾蟾一隻即
風雞

鳳凰胎一隻即腹中不轉
順雞黃也陰乾用

桃柳桑枝各五莖

右各細切用香油六斤重湯浸藥三五日入鍋內熬黑色去粗入黃丹三斤別用槐柳

右各細切用香油六斤重浸藥三五日入鍋內熬黑色去粗入黃丹三斤別用槐柳枝不住手攪膏成候溫入後藥末

乳香

沒藥

龍骨各一兩

輕粉五錢

血竭一兩

麝香二錢

右攪勻磁器收貯臨期看瘡大小攤貼

沒藥散治刀箭傷止血住痛

定粉

風化石灰各一兩

枯白礬二錢

乳香五分

沒藥一兩

另研

右各研為細末同和勻再研乾摻之

破傷風六十二

論

內經曰風者百病之始也清淨則腠理閉拒雖有大風苛毒而弗能為害也若夫破傷風証因事擊破皮肉往往視為尋常殊不知風邪乘虛而客襲之漸至變為惡候又諸瘡久不合口風邪亦能內襲或用湯淋洗或著艾焚灸其湯火之毒氣亦與破傷風邪無異其為証也皆能傳播經絡燒燦真氣是以寒熱間作甚則口斜身軀強直如角弓反張之

醫

學

正

傳

卷六

四十九

會文堂書局印行

狀死在旦夕誠可哀憫治之之法當同傷寒處治因其有在表在裡半表半裡三者之不同故不離乎汗下和三法也是故在表汗之在裡者下之在表裡之間者宜和解之又不可過其法也閭閻野人多不識此証殺人之易早不求醫治療而袖手待斃哀哉

脉法

表脉浮而無力太陽也

脉長有力陽明也

脉浮而弦小者少陽也

河間曰太陽宜汗陽明宜下少陽宜和解若能明此三法而治不中病者未之有也

愚按河間先生論破傷風脉証詳明甚矣何其但云三陽而不及於三陰蓋風邪在於三陽之經便宜按法早治而愈若待傳入三陰其証已危或腹滿自利口燥咽乾舌卷卵縮皆無可生之証故置而弗論也

方法

丹溪曰破傷風同傷寒壞証治看在何經而用本經藥驅逐之誤則殺人劉河間有法有方宜選而用之

羌活防風湯治破傷風邪初傳在表

羌活

防風

川芎

藁本

當歸

芍藥各一錢

甘草

地榆

細辛 各五分

右細切作一服水一盞半煎至一盞去粗熱服不拘時候量緊慢加減用之熱則加大黃一錢大便秘只加大黃五分緩緩令通

白朮防風湯若服前藥太過令自汗者宜服此藥

白朮 一錢

防風 二錢

黃芪 一錢五分

右細切作一服水一盞半煎至一盞溫服不拘時候臟腑和而有自汗可用此藥破傷風臟腑秘小便赤自汗不止者因服熱藥汗出不休者故知無寒也宜速下之先用小芎黃湯二三服後用大芎黃湯下之

小芎黃湯

川芎 二錢

黃芩 一錢五分

甘草 五分

右細切作一服水一盞半煎至一盞溫服不拘時候三服即止再用後藥

大芎黃湯

川芎 一錢

羌活

黃芩

大黃 各一錢五分

右細切作一服水一盞溫服宜和為度

發表雄黃散

雄黃一錢

防風二錢

草烏一錢泡裂

右為細末每服一字溫酒調下裡和至愈可服裡未和不可服

大蜈蚣散

蜈蚣

黃赤足各一條

江鱗

五錢即魚膠炒

左蟠龍

五錢炒煙盡為度即野鶴糞

右為細末每服一錢清酒調下治法依前用裡和至愈可服但有裡証不可服次當下之用蜈蚣散四錢巴豆霜五分飯丸如菴豆大每服一丸漸加至六七丸清酒調蜈蚣散少許送下宣利為度內外風去可服羌活湯緩緩而治不拘時候服之羌活湯者治半在表半在裏之藥也

大羌活湯

羌活

菊花

麻黃

川芎

石膏

煨另研

防風

前胡

黃芩

細辛

甘草

枳殼

白茯苓

蔓荊子

各四分

薄荷

白芷

各二分

右細切作一服入生薑五片水一盞半煎至一盞稍熱服不拘時日進二服

防風湯治破傷風同傷寒表証未傳入裏宜服此藥

右細切作一服入生薑五片水一盞半煎至一盞稍熱服不拘時日進二服

防風

羌活

獨活

川芎

各一錢二分

右細切作一服水一盞半煎至一盞溫服

小蜈蚣散

蜈蚣黃赤足各一條

江鰮三錢

右為細末用防風湯調下如前藥解表不已覺傳入裏當服左龍丸漸漸看大便軟硬加巴豆霜服之

左龍丸

左蟠龍五錢炒

白殭蚕五錢炒

江鰮五錢炒

雄黃一錢

右同為細末飯丸如梧桐子大每服十五丸溫酒下如裏証不已當於左龍丸末一半內入巴豆霜半錢飯丸如梧桐子大每服一丸漸加至以利為度若利後更服後藥若搐瘥不已亦宜服後藥羌活湯也

小羌活湯治搐瘥不止

羌活

獨活

防風

地榆

各一錢二分

右細切作一服水一盞半煎至一盞溫服如有熱加黃芩有痰加半夏若病日久氣血漸虛邪氣入胃全在養血為度

養血當歸地黃湯

當歸

地黃

芍藥

川芎

藥本

防風

白芷 各一錢

細辛 五分

右細切作一服水一盞半煎至一盞服

雄黃散治表藥

南星

三錢泡

半夏

五錢泡七次去穢

天麻

五錢

雄黃

二錢五分

右為細末每服一錢溫酒調下如有涎於此藥中加大黃為下藥

地榆防風散治破傷風中風半在表半在裏頭微汗身無汗不可發汗宜以表裡治之

地榆

防風

地丁草

馬齒莧

各等分

右為細末每服三錢溫米飲調下

白朮湯治破傷風大汗不止筋攣手足搐搦

白朮

葛根 各二錢

升麻

黃芩

酒炒各一錢

芍藥

四錢

甘草

五分

右細切作一服水一盞半煎至一盞溫服不拘時候

江鯽丸治破傷風驚而發搐臍腑秘澁知病在裡宜以此藥下之

右細切作一服水一盞半煎至一盞溫服不拘時候
江鯨丸治風濕痺痛及一切風濕痺痛和病在裡宜以此藥下之

江鯨剉炒五錢

蜈蚣黃赤足一對

野鴿糞炒五錢

雄黃一錢

白殭蚕五錢炒

右為細末分作三分用二分以燒飯為丸如梧桐子大硃砂為衣用一分入巴豆霜

一錢同和亦以燒飯為丸如梧桐子大不用硃砂為衣每服以前硃砂衣九子二十

九巴豆霜九一丸第二服二九加至利為度再單服硃砂衣九子病愈止藥

祖傳經驗秘方治初破傷風發熱紅腫風邪將欲傳播經絡而未入深者屢驗

杏仁去皮研細

羅白麴各等分

右以二味和勻用新汲水調和如膏敷傷處腫消熱退

一方治破傷風發熱用蟬蛻畧炒研細酒調一錢已服効

安文陳珍四兄因勸鬪毆眉稜骨被打破得破傷風頭面大腫發熱予適在彼家以九

味菴活湯服取汗外用杏仁搗爛入白麴少許新汲水調敷瘡上腫消熱退而愈後

以此法治若干人皆驗

附翹花瘡一名綿花瘡一名廣東瘡

川芎

天花粉各五錢

輕粉二錢五分

雄黃一錢一分半

辰砂一錢一分半

麝香五分

右為細末蒸餅丸如菴豆大每服八分溫酒下日三服
一方無川芎天花粉二味亦效

4944

1924

126